

Kontrollit, për shkak të mungesës së kuptimit të këtyre kritereve, mosplotësimit të kërkesave për dorëzimin e deklaratave për cilësinë e kontrolleve të brendshme, mosplotësimit dhe mosdorëzimit pyetësorëve të vetëvlerësimit, regjistratërisht rregullores pa mbështetje në strukturën organizative, veprimeve rregulluese të kryera nga jashtë, etj.

GJETJET DHE REKOMANDIME

B. MASA ORGANIZATIVE

1. Gjetje nga auditimi: Nga auditimi i programeve ekonomike të Postës Shqiptare SHA, rezultoi se investimet, nga burimet e veta kanë qenë programuar gjithsej 268.4 milion lekë në 2017 dhe 343.9 milionë lekë në vitin 2018 kundrejt një realizimi prej 194.7 milion lekë në 2016. Referuar realizimeve për të dy vitet ka rezultuar se nga shoqëria janë planifikuar investime jashtë mundësive reale të menaxhimit të fondeve të investimeve, pasi si për vitin 2017 dhe 2018 niveli i realizimit të investimeve ka qenë respektivisht i ulët në masën 47.9 % në vitin 2017 dhe 67.1 % në vitin 2018. Për vitin 2019 programi i investimeve paraqitet i programuar dhe miratuar në shumën 847.6 milion lekë dhe ku realizimi 6 mujor paraqitet pa vlera, në një kohë që totali i të ardhurave dhe shpenzimeve për të gjitha vitet sa më sipër paraqitet afërsisht i barabartë, gjë që tregon që shoqëria programon tej mundësive financiare dhe kapaciteteve reale të menaxhimit të procedurave të prokurimit dhe realizimit të fondeve për investime.

Gjithashtu nga auditimi në filialin Posta Shqiptare Shkodër referuar kërkesave për programin e vitit 2019 të këtij filiali, si dhe çeljes së fondeve për të, dërguar me shkresën nr.248, datë 28.01.2019 të Postës Shqiptare sha, nuk rezulton një balancim midis të ardhurave dhe shpenzimeve, ku të ardhurat e programuara paraqiten me një nivel 73 % më i lartë nga niveli i shpenzimeve të programuara, sipas detajimit apo çeljes së bërë nga Drejtoria Posta Shqiptare sha. Gjithashtu theksojmë se rritja e nivelit të programuar të realizimit të të ardhurave me 12 % kundrejt realizimit të pritshëm të vitit 2018 nga drejtoria, në kushtet ku në filialin e Shkodrës si dhe zyrat postare të sajë ka mungesë të kushteve të punës, materialeve, si dhe infrastrukturës së domosdoshme, e kthejnë planifikimin në objektiva të pa mundshme për tu realizuar (*Më hollësisht trajtuar në pikën 2 faqe 12-18 të Raportit të Auditimit*).

1.1. Rekomandimi: Nga ana e shoqërisë të ndiqen politika të kujdeshshme në lidhje me përcaktimin e objektivave të sajë, të cilat duhet të jenë në përputhje mundësítë menaxhuese e financiare dhe gjithnjë në përcaktimin e investimeve ku në program të përfshihen investimet prioritare dhe të mundshme për tu realizuar.

Menjëherë

1.2. Rekomandimi: Nga ana e shoqërisë gjatë procesit të vendosjes së objektivave të shoqërisë referuar objektivave të vendosura për realizimin e të ardhurave të filialeve, duhet të shoqërojë këtë proces me një plan veprimi dhe argumentin mbështetës të rritjes së tyre, ku domosdoshmërisht duhet të mbështetet dhe me krijimin e kushteve të punës dhe infrastrukturës së domosdoshme.

Menjëherë

2. Gjetje nga auditimi: Gjatë auditimit të pagesave të bankës për periudhën objekt auditimi janë konstatuar pagesa për dieta për punonjësit e Drejtorisë së Përgjithshme të Posta Shqiptare, referuar programeve të miratuar nga Titullari i AK. Referuar këtyre programeve rezulton se kryhen procedura kontrolli pas fakti, funksione këto të strukturës së Auditimit të Brendshëm. Megjithëse këto kontolle janë realizuar nga punonjës të Drejtorisë së Përgjithshme, nuk ka raporte apo informacione mbi rezultatet e kontrollit dhe marrja e masave përmirësimin e situatës, detyrime këto të cilat nuk janë parashikuar në programet përkatëse të miratuara.

Veprimtaritë e kontolleve të kryera nga strukturat përkatëse (kryesisht Departamenti i Administrimit dhe Departamenti i Shërbimeve) nëpërmjet programeve te miratuara nga titullari, bien në kundërshtim me procedurat e parashikuara në ligjin nr. 10296, datë 8.7.2010 “Për menaxhimin financiar dhe kontrollin” nenin 22 pika 5 për “ Veprimtaritë e kontrollit”. Theksojmë se përcaktimet në rregulloren e brendshme të funksioneve të kontolleve dhe monitorimit, referuar interpretimit të ligjit, realizohen me veprimtaritë e përcaktuara në nenin neni 22 “veprimtaritë e kontrollit”, nenin 23 “Informimi dhe komunikimi”, dhe neni 24 “monitorimi” për kontrollet para faktit dhe jo pas fakti (*Më hollësisht trajtuar në pikën 6 faqe 77-81 të Raportit të Auditimit*).

2.1. Rekomandimi: Sa mësipër nga Nëpunësi Autorizues të ndërpriten praktikat e miratimeve të kontolleve pas faktit nga drejtoritë e Postës Shqiptare për detyra funksionale të cilat duhet të kryhen nga struktura e auditimit të brendshëm.

Për funksionimin e sistemeve të kontrollit të brendshëm dhe veprimtaritë e kontrollit, referuar përcaktimeve në rregulloren e brendshme të institucionit, nga menaxherët të zbatohen procedurat e përcaktuara në Ligjin “Për menaxhimin financiar dhe kontrollin”.

Menjëherë

3. Gjetje nga auditimi: Nga auditimi rezultoi se Posta Shqiptare SHA, arkëtimet e realizuara për “pagesat e detyrimeve doganore, të akcizës, dhe detyrime te tjera te pagueshme në dogane” referuar marrëveshjes ndërmjet Postes Shqiptare dhe Drejtorisë së Përgjithshme së Doganave (DPD) mbi shërbimin e arkëtimit në favor të DPD i ka derdhur me vonesë.

Derdhjet me vonesë bien në kundërshtim marrëveshjen e lidhur mes palëve me nr. Prot. të Postës Shqiptare nr.4522, datë 15.12.2014 neni 2 pika 4 “Detyrimet e Postës” ku citohet se arkëtimet duhet që të derdhen maksimumi ditën e nesërme ora 10.00.”

Detyrimi i Postës më 31 Dhjetor 2018 është në shumën 29,522,813 lekë sipas deklarimit të DPD, kundrejt 29,544,699 lekë të Postës Shqiptare,i pa rakorduar. Ky detyrim në fund të vitit 2017 ka qenë në shumën 62,861,303 lekë. Pavarësisht likuidimit më shumë se detyrimet e vitit dhe zvogëlimit të borxhit, nga ana e Drejtorisë së Shërbimit Financiar dhe Bankar ashtu dhe nga Drejtoria Ekonomike nuk është zbatuar likuidimi sipas parashikimit në marrëveshje, që arkëtimet duhet të derdhen brenda ditës së nesërme deri në orën 10. Kjo marrëveshje është ndryshuar gjatë vitit 2019 duke e vendosur si kusht detyrimin për likuidim të arkëtimeve të realizuara të çdo dite nga Posta Shqiptare, brenda 48 orëve dhe kushtit të aplikimit të kamat vonesave për rastet e tejkalimeve te këtyre afateve.

Gjatë auditimit të bankës ky fenomen rezultoi gjatë gjithë periudhës, dhe ku në fund të vitit Posta Shqiptare sha, ka rezultuar me detyrime ndaj të tretëve për arkëtimet e realizuara dhe të paderdhura, referuar marrëveshjeve që ka në fuqi për këto shërbime me institucionet përkatëse. Referuar informacionit të marrë nga Drejtoria e Shërbimeve Financiare dhe Bankare, në Postën Shqiptare sha kryhen shërbime financiare (arkëtime të faturave të energjisë elektrike, të ujësjellësve, të detyrimeve doganore nga bizneset, detyrimet doganore për blerjet online, arkëtimet e taksave të bashkive, pagesat për gjoba, dëshmi penaliteti, legalizimet, pagesat për çerdhet e kopshtet, tarifat shkollore, arkëtimet për ZVRPP, për arkivin e shtetit, kryhen pagesat e ndihmës ekonomike e paaftësisë së përkohshme, kryhen pagesat e pensioneve, rimbursimi i librit shkollor) si dhe shërbime bankare ku kryen veprime për llogari të 4 institucioneve bankare si Fondi Besa, Procredit Bank,Societe Generale Bank dhe IuteCredit Albania sha për arkëtimin e kësteve te kredive te dhëna nga to ku për të cilat nuk ka konfirmim mes palëve për arkëtimet e realizuara dhe të pa derdhura përfekt rakordimi në fund viti.

Për vitin 2019 u konstatua se me shkresën e datës 15.04.2019 nga Drejtoria e Shërbimeve Bankare dhe Financiare urdhërohet derdhja e shumave të arkëtuara për doganën në vlerën 6,545,962 lekë. Nga dokumentacioni i bankës u konstatua se likuidimi është kryer me datë 14.05.2019 për arkëtimet e datave 12-14 Prill 2019 që do të thotë është kryer me vonesë gjë e

cila sjell penalitete kundrejt Postës Shqiptare, bazuar në marrëveshjen me nr. 995 prot., datë 09.04.2019 neni 5 (*Më hollësisht trajtuar në pikën 6 faze 71-90 të Raportit të Auditimit*).

3.1. Rekomandimi: Sa mësipër nga Drejtoria e Shërbimeve Bankare dhe Financiare si dhe nga Drejtoria Ekonomike të kryhen derdhjet e arkëtimeve për shërbimet që kryen Posta Shqiptare referuar marrëveshjeve, duke respektuar me rigorozitet afatet e vendosura në to.

3.2. Rekomandim: Për efekt të rakordimit të shumave të fund vitit dhe pasqyrimit të drejtë dhe të besueshmë në kontabilitet, të lihen gjurmë konfirmimi nga palët nëpërmjet rakordimit ndërmjet Posta Shqiptare dhe institucionit me të cilën është lidhur marrëveshja, për shumat arkëtim i padredhur në fund viti. Ky rregull të jetë efektiv dhe për arkëtimet e filialeve të cilat kryejnë direkt derdhjen e arkëtimeve të realizuara.

3.3 Rekomandim: Drejtoria Ekonomike dhe Drejtoria e Sherbimeve Bankare dhe Financiare e shoqërisë Posta Shqiptare SH.A, të marrë masat e nevojshme për zbatimin me përpikmëri të marrëveshjes së nënshkruar nr. 995 prot., datë 09.04.2019 me Drejtorinë e Përgjithshme të Doganave në mënyre shhangjen e penaliteteve.

Menjëherë

4. Gjetje nga auditimi: Nga auditimi ka rezultuar se Posta Shqiptare sha kryhen pagesa për telefoninë celulare për punonjësit referuar faturave sipas paketave të lidhura për çdo numër të Albtelekom Albania sha referuar kontratës së lidhur, ku për një pjesë të tyre bëhet rimbursimi nga fondet e Postës Shqiptare sha.

Rimbursimi i fondevë për periudhën objekt auditimi, ka rezultuar në zbatim të vendimeve të drejtorisë së shoqërisë nr.293, datë 25.04.2014 “Mbi ndryshimin e shpenzimeve të telefonisë celulare të Shoqërisë Posta Shqiptare sha,vendimit nr.44, datë 7.02.2017 “Mbi disa ndryshime në vendimin nr.293, datë 25.04.2014 të Drejtorisë së Shoqërisë, si dhe Urdhrin e dalë për periudhën objekt auditimi me nr.193, datë 19.03.2018“Për miratimin e shpenzimeve të telefonisë celulare për ndryshimet e miratuara në strukturën organizative të Drejtorisë së Përgjithshme Posta Shqiptare sha”.

Për vendimet sa më sipër u krye krahasimi referuar përcaktimëve në vendimin e Këshillit të Ministrave nr.864, datë 23.07.2010“Për pajisjen me numër telefoni celular të personave juridikë publik”.

Nga ky krahasim ka rezultuar se për periudhën objekt auditimi janë lejuar kryerja e shpenzimeve në kundërshtim me aktin në fuqi respektivisht sipas viteve: për 6 mujorin e dytë të 2017 shuma prej 571,560 lekë, për vitin 2018 shuma 1,256,400 lekë dhe për 5 mujorin e vitiit 2019 shuma prej 1,318,560 lekë *në total 3,146,520 lekë*(*Më hollësisht trajtuar në pikën 6 faze 71-81 të Raportit të Auditimit*).

4.1. Rekomandimi: Nga ana e Postës Shqiptare të shfuqizohen vendimet e drejtorisë për ato kategori që janë jashtë limiteve të përcaktuara në vendimin e Këshillit të Ministrave sa mësipër cituan.

Menjëherë

5. Gjetje nga auditimi: Nga auditimi ka rezultuar se në Credins Bank me datën 13.12.2018 është kryer likuidimi pjesor i faturës nr. 25 datë 04.12.2018 të subjektit Almedikal shpk në shumën 1,500,000 lekë, ku vlera e faturës ka qenë në shumën 2,880,000 lekë. Bashkëlidhur nuk ka dokumentacion tjetër dhe nuk ka shëнимë se në cilën pagesë gjendet dokumentacioni përkatës. Ne Credins Bank me datën 13.12.2018 është kryer likuidimi pjesor i faturës nr. 14 datë 26.10.2018 të subjektit Superklima shpk në shumën 2,300,000 lekë, fatura në shumën 5,413,680 lekë. Bashkëlidhur nuk ka dokumentacion tjetër justifikues dhe nuk ka shënimë se ne cilën pagesë gjendet dokumentacioni përkatës. Nga auditimi rezultoi se këto ishin pagesa pjesore dhe dokumentacioni i plote vendosej tek pagesa e pare apo e fundit e likuidimit të faturës. Aktualisht në likuidimet sa me sipër nuk jepej informacioni i nevojshëm për likuidimin

e kryer. Për efekt të transparencës dhe auditimit si dhe dhënien e informacionit për ndjekje të shpenzimit bashkëlidhur çdo likuidimi është i domosdoshëm te jepet informacioni shoqëruesh (në dokumentin e likuidimit apo faturën e likuiduar shënimë, për kontratën apo informacione të tjera të rëndësishme) kjo referuar kërkesave te ligjit nr.9228, datë 29.4.2004 “Për kontabilitetin dhe pasqyrat financiare” nen 6 “Evidenca mbështetëse” (*Më hollësish trajtuar në pikën 6 faqe 71-81 të Raportit të Auditimit*).

5.1. Rekomandimi: Nga Drejtoria Ekonomike për efekt të kontrollit dhe transparencës së veprimeve nëpërmjet bankës të merren masa që bashkëlidhur shpenzimit apo arkëtimit të vihet i gjithë dokumentacioni i nevojshëm apo informacioni që argumenton veprimin bankar.

Menjëherë

6. Gjetje nga auditimi: Nga auditimi rezultoi se Urdhër shpenzimi për udhëtimet jashtë vendit të punonjësve, në të gjitha rastet firmoset nga nëpunësi udhëtues dhe nëpunësi autorizues, në një kohë që duhej të konfirmohej dhe nga nëpunësi zbatues i cili kryen kontrollin pas faktin, në zbatim të detyrave dhe funksioneve të përcaktuara në ligjin për nr.10 296, datë 8.7.2010 “Për menaxhimin financier dhe kontrollin” të ndryshuar. Gjithashtu dhe formati i miratuar dhe bashkëlidhur udhëzimit nr.22 datë 10.7.2013 të dalë në zbatim të VKM nr. 870, datë 14.12.2011 kërkon domosdoshmërisht firmën e N/Z.

Gjithashtu u konstatua se për udhëtimet jashtë vendit jepen për punonjësit paradhënie, të cilat nga auditimi, kanë rezultuar të mbyllen me vonesë duke e tejkaluar shpesh herë periudhën një mujore por dhe duke tejkaluar vitin ushtrimor. U konstatuan gjithashtu raste të dhënes së paradhënieve pa u mbyllur paradhënia e mëparshme për udhëtimet e realizuara, veprime që bien në kundërshtim me pikën 66 të udhëzimit të MF nr.30 datë 27.12.2011 “ Për menaxhimin e aktiveve në njësitë e sektorit publik” i ndryshuar.

Në Postën Shqiptare sha nuk kishte rregulla të përcaktuara në zbatim të akteve në fuqi në lidhje me udhëtimet jashtë e brenda vendit për afatet e dorëzimit të dokumentacionit, dokumentacionit ligjor të shpenzimit (ku theksojmë se faturat e hotelevë për efekt të zbatimit të udhëzimit, duhet të përbajnjë yjet si dhe konfirmimin e hotelit, etj.), si dhe formatin e detyruar për tu plotësuar bashkëlidhur udhëzimit (*Më hollësish trajtuar në pikën 6 faqe 71-81 të Raportit të Auditimit*).

6.1. Rekomandimi: Nga Nëpunësi Zbatues dhe Nëpunësi Autorizues i Posta Shqiptare sha, të nxirren e miratohen rregulla të brendshme në lidhje me zbatimin në kohë të procedurave të shlyerjes të shpenzimeve për dieta brenda e jashtë vendit, konform dokumentacionit ligjor që kërkojnë aktet në fuqi. Urdhër shpenzimi si për dietat brenda e jashtë vendit duhet të jetë i konfirmuar dhe nga nëpunësi zbatues referuar kontolleve pas faktit, konform kërkesave ligjore.

Menjëherë

7. Gjetje nga auditimi: Nga auditimi u konstatua se dokumenti i fletëhyrjes së mallrave në magazinë i cili vendosej dhe në praktikën e likuidimit, paraqitej dokument fletëhyrje tatimore ku përbante të gjithë të dhënrat që kishte fatura, në një kohë që duhej të ishte një dokument që duhet të përbante vetëm sasitë çmimin dhe vlerën e regjistrimit të mallit në magazinë. Pavarësisht korrektësisë së regjistrimit në librin e magazinës me vlerën pa TVSH apo me TVSH në rastet kur parashikonte ligji, referuar rasteve të audituara, mbajtja e fletëhyrjes tatimore me të gjithë të dhënrat e faturës humbet gjurmën se me çfarë vlere është regjistruar malli. Të dhënrat e fletë hyrjes duhet të përputhet me të dhënrat që regjistrohen në kartelën e mallit. Nga Posta Shqiptare nuk u dha asnjë shpjegim përsë mbahej një dokument i tillë në shumicën e rasteve ku në të gjitha filialat nuk mbahej një dokument i tillë. Veprimet sa mësipër bien në kundërshtim me rregullat e kontabilitetit të parashikuara në ligjin për kontabilitetin e aktet e dala në zbatim të tij, bie në kundërshtim me udhëzimin 30, datë 27.12.2011 “Për menaxhimin e aktiveve në njësitë e sektorit publik” të ndryshuar pika 37, 58, si dhe pika 53 që

tregon çfarë informacioni tjetër duhet të përmbajë fletë hyrja dhe që është element kontrolli nga nëpunësi zbatues (*Më hollësisht trajtuar në pikën 6 faze 71-81 të Raportit të Auditimit*).

7.1. Rekomandimi: Nga Drejtoria Ekonomike të unifikohet dokumenti i fletë hyrjes në magazinë për të gjithë shoqërinë si dhe të mbahet në konsideratë dhe të përdoret dokumenti i duhur për fletë hyrjet e mallrave në magazinë, ku plotësimi i tyre të tregonë domosdoshmërish sasinë çmimin e mallit dhe vlerën e fletë hyrjes me të cilin është bere regjistrimi në kartelën apo librin e magazinës.

Menjëherë

8. Gjetje nga auditimi: Nga auditimi i sponsorizimeve rezultoi se në shumicën e rasteve kontratat e lidhura nuk kishin afatin e vlefshmërisë së kryerjes së aktivitetit (në një kohë që në kontratë jepej klauzola e të drejtës së marjës së paradhënies prej 60% të shumës së sponsorizuar) si dhe në kontratë mungojnë gjithashtu zërat e preventivit që merrete përsipër sponsorizuesi të financonte (kjo kërkesë rezulton nga fakti se objekti kërkues i sponsorizimit ishte i sponsorizuar dhe nga shoqëri të tjera dhe ku gjithashtu Posta Shqiptare jo gjithnjë sponsorizonte shumën e kërkuar).

Gjithashtu nga sponsorizuesi Posta Shqiptare sha për vitin 2019 për shumën e sponsorizuar deri më datën 7.06.2019 është tejkaluar përqindja e njohur sipas ligjit të sposorizimit për njohje të tij si shpenzim i zbritshëm për efekt të përcaktimit të tatim fitimit tatimor, referuar nenit 5 të ligjit nr.7892, datë 21.12.1994 “ Për sponsorizimet” i ndryshuar ku duhet të jetë deri në 3 % të fitimit tatimor. Fitimi tatimor i planifikuar për vitin 2019 është në shumën 25,000,000 lekë dhe sasia 3 % është e barazvlefshme me shumën prej 750,000 lekë, duke ndikuar kështu negativisht në rezultatin e shoqërisë (*Më hollësisht trajtuar në pikën 6 faze 90-94 të Raportit të Auditimit*).

8.1. Rekomandimi: Nga Drejtoria Juridike e Postës Shqiptare në bashkëpunim me Drejtorinë e Marketingut për efekt të monitorimit ligjor dhe disponimit të dokumentacionit të justifikimit të shumave të sponsorizuara (detyrim i ligjit), të merren masa që kontratat e sponsorizimeve të kenë zërat e preventivit të aktivitetit që sponsorizohet si dhe të vendosen në kontratë afatet e vlerësimit të kryerjes së aktivitetit referuar kërkesës.

Menjëherë

8.2. Rekomandimi: Nga Administratori dhe Drejtoria e Marketingut të ndiqen politika të kujdeshshme në lidhje me dhënien e shumave për sponsorizim, duke respektuar përqindjet e përcaktuara në ligj për shpenzime të njohura për efekt tatimor, me qëllim shhangjen e ndikimit negativ në treguesit ekonomik të shoqërisë.

Menjëherë

9. Gjetje nga auditimi: Nga auditimi rezultoi se: a. Për vitin 2017 Posta Shqiptare me shkresën nr.2414/1 datë 30.07.2018 ka përcjell në Ministri të Financave dhe Ekonomisë Bilancin Kontabël dhe rezultati i tij me propozimin e shpërndarjes. Nga Ministria e Financave dhe Ekonomisë në pozicionin e aksionarit me shkresën nr.14476/1 datë 20.08.2018(e protokolluar tek Posta Shqiptare sha me datën 2581, datë 23.08.2018) është miratuar bilanci kontabël dhe shpërndarja e rezultatit të vitit 2017. Sa më sipër për vitin 2017 Posta Shqiptare sha ka qenë në kushtet e tejkalimit të afateve të përcaktuara në ligjin nr. 8438, datë 28.12.1998 “Për tatimin mbi të ardhurat” i ndryshuar neni 33.

b. Nga auditimi i kryer deri në datën 26.07.2019 grupit të auditimin nuk i janë vënë në dispozicion pasqyrat financiare të aparatit të Drejtorisë së Përgjithshme, pasqyrat financiare të konsoliduara të shoqërisë Posta Shqiptare SHA si dhe Raporti i ekspertëve të pavarur, me argumentimin e mos përfundimit të këtij misioni, pavarësisht se ka kaluar afati 45 ditë i lidhjes së kontratës dhe i dorëzimit të të dhënave fillestare. Për sa mësipër nga Drejtoria Ekonomike nuk u dhanë shpjegimet për arsyet e moskryerjes së detyrimeve të mësipërme dhe fakti i qenies në kushtet e tejkalimit të afateve ligjorë. Fenomeni i dorëzimit jashtë afateve kohorë ka rezultuar dhe në dorëzimin e Pasqyrave Financiare të Filialeve për vitin 2017 , ku në 11 raste

nga 16 pasqyra financiare kanë rezultuar të dorëzuara pas datës 31 Mars 2018 për vitin 2017, ku ka rezultuar dhe mos konfirmimi i tyre nga nëpunësit autorizues të filialeve dhe mos shoqërimi i pasqyrave financiare me relacionin përkatës.

c-Gjithashtu shoqëria Posta Shqiptare sha gjatë periudhës objekt auditimi ka rezultuar se nuk ka të miratuar nga Këshilli Mbikëqyrës norma amortizimi dhe ku nga ana e saj janë aplikuar normat në kufijtë ligjorë të amortizimit të miratuara në ligjin nr. 8438, datë 28.12.1998 “Përtimin mbi të ardhurat” i ndryshuar neni 22. Miratimi i normave të amortizimit me vendimmarje të Këshillit Mbikëqyrës është i domosdoshëm për përcaktimin e politikës kontabël të shoqërisë dhe vazhdimësisë së saj dhe argumentohet me aktet dhe standartet në fuqi si :Ligji nr. 9228, datë 29.04.2004, i ndryshuar, Standardi Kombëtar i Kontabilitetit nr. 1 “Kuadri i përgjithshëm për përgatitjen e pasqyrave financiare”, i përmirësuar, pika 103,Standardi Kombëtar i Kontabilitetit nr.5, “*Aktivet afatgjata materiale dhe aktivet afatgjata jo materiale*”, pika 39.

d-Për nxjerrjet jashtë përdorimi për vitin 2016 dhe 2017 është konstatuar se procedurat e nxjerrjes jashtë përdorimit dhe asnjësimit kanë rezultuar me afate kohore të përzgjatura me mbi një vit duke kapercyer dhe kohën e kryerjes së inventarizimit dhe procedimit për rezultatet e viti të koherent gjatë të cilit janë kryer veprimet, duke rënë ndesh me nenin 7 të ligjit nr. 9228, datë 29.04.2004 “Për Kontabilitetin dhe Pasqyrat Financiare“ .

Për vitin 2018 pavarësisht se ka përfunduar inventarizimi i aktiveve të Shoqërisë edhe në filiale nga Drejtoria e Ekonomisë deri në momentin e këtij auditimi nuk është përgatitur materiali përbledhës për Titullarin e institucionit për situatën e aktiveve të shoqërisë për vitin 2018, duke ngarkuar në këtë mënyrë me përgjegjësi këtë drejtori, referuar përgjegjësive të përcaktuara në ligjin për MFK dhe Udhëzimin nr.30, datë 27.12.2011” Për menaxhimin e aktiveve në sektorin publik”, të ndryshuar.

f-Për procedurat e nxjerrjes jashtë përdorimit të inventarit të viti 2017 në vlerën 11,743,229.7 lekë për Drejtorinë e Përgjithshme, nga Posta Shqiptare nuk ka njoftim për organet tatimore në zbatim të nenit 21 pika m të ligjit nr.8438, datë 28.12.2003 “ Përtimin mbi të ardhurat”, i ndryshuar dhe Udhëzimin nr.5, datë 30.01.2006 i ndryshuar pika 3.6.s., duke krijuar riskun që për vitin 2018 kur janë kryer veprimet e nxjerrjes nga përdorimi dhe kontabiliteti, këto shpenzime të mos njihen si shpenzime përfekte tatimore (*Më hollësisht trajtuar në pikën 7 faqe 100-113 të Raportit të Auditimit*).

9.1. Rekomandimi: Nga Administratori dhe Drejtoria e Ekonomike të merren masa duke përcaktuar rregulla të brendshme me afate kohore konform akteve në fuqi, për dorëzimin brenda muajit shkurt të viti pasardhës, të pasqyrave financiare të filialeve, tranzitit dhe aparatit të Drejtorisë, duke përcaktuar dhe dokumentacionin dhe evidencat bashkëlidhur pasqyrave financiare, të domosdoshme për saktësinë edhe vërtetësinë e plotësimit të rubrikave përkatëse të bilancit kontabël. Afatet kohore dhe përgjegjësitë të përcaktohen dhe për pasqyrat financiare të konsoliduara konform dhe kërkeseve të ligjit përtimin mbi të ardhurat.

Menjëherë

9.2. Rekomandimi: Nga Këshilli Mbikëqyrës të miratohen politikat e amortizimit të aseteve të shoqërisë, duke përcaktuar % amortizimi nën nivelin e limiteve të vendosura në ligjin përtimin mbi të ardhurat.

Menjëherë

9.3. Rekomandimi: Nga Administratori dhe Drejtoria e Ekonomike të merren masa duke përcaktuar rregulla të brendshme me afate kohore konform akteve në fuqi, të dorëzimit të raportit të rezultateve të inventarizimit të aseteve të shoqërisë përfunduese, ashtu dhe për Drejtorinë e Përgjithshme të Postës Shqiptare, në mënyrë që i gjithë procesi të përfundojë brenda viti kalendarik dhe brenda afateve sa më të shkurtra vazhdimi i procesit të vendimmarjeve përdorimit.

Menjëherë

9.4. Rekomandimi: Nga Drejtoria Ekonomike për efekt të shmangjes së riskut të mosnjohjes së shpenzimeve nga nxjerrja jashtë përdorimit e aktiveve të shoqërisë, të njoftohen organet tatimore për çdo rast të nxjerrjes jashtë përdorimit, konform kërkesave të parashikuara në aktet ligjore fuqi.

Menjëherë

10. Gjetje nga auditimi: Nga auditimi i zbatimit të rekomandimeve të lëna nga auditimi i mëparshëm i KLSH ka rezultuar sa më poshtë vijon:

Rekomandimet e auditimit të mëparshëm janë dërguar me shkresën e KLSH nr. 1053/23, datë 30.04.2015. Nga Posta Shqiptare sha me shkresën 3715, datë 3.11.2015 brenda afatit 6 mujor i është dhënë përgjigje KLSH në zbatim të nenit 30 pika 2 të ligit nr. 154/2014, datë 27.11.2014” Për organizimin dhe funksionimin e Kontrollit të Lartë të Shtetit.

Citojmë gjithashtu se zbatimi i rekomandimeve është audituar dhe me autorizimin e KLSH nr. 1073/5, datë 20.11.2015 për të cilën në Postën Shqiptare është dërguar pjesë e raportit të zbatimit të rekomandimeve si dhe rekomandimet për zbatimin e menjëhershëm të rekomandimeve të pa zbatuara dhe në proces (nr.1,14,16,19,22,29,30 për masa organizative) me shkresën e KLSH nr. 1073/46, datë 29.01.2016. Nga ana e Postës Shqiptare sha me shkresën 388/1 datë 21.03.2016 është kthyer përgjigje për ecurinë e zbatimit të rekomandimeve të pa zbatuara dhe atyre në proces. Nga verifikimi dhe përgjigja e Posta Shqiptare sha (Drejtoria e Auditimit) për ecurinë e rekomandimit u dhanë vlerësimë për zbatimin e rekomandimeve të mësipërme, nga ku rezultoi se rekomandimi 1,14,16,19,29,30“ Masa Organizative” janë në proces realizimi dhe realizuar pjesërisht (*Më hollësisht trajtuar në pikën 8 faqe 113-116 të Raportit të Auditimit*).

10.1 Rekomandimi: Nga Shoqëria Posta shqiptare SHA të merren masat për realizimin e plotë të rekomandimeve për masa organizative sa mësipër cituan.

Menjëherë

11. Gjetje nga Auditimi: Nga auditimi i dokumentacionit për organizimin dhe funksionimin e Këshillit Mbikëqyrës për periudhën objekt auditimi u konstatuan sa më poshtë:

-Për vitin 2017 aktiviteti i mbledhjeve është zhvilluar pa një rend dite të përcaktuar nga Kryetari i Këshillit Mbikëqyrës duke mos specifikuar kohën dhe vendin e zhvillimit të mbledhjeve.

-Për vitet 2018 dhe 2019 procesverbali i mbledhjeve nuk është mbajtur në formën e një regjistri por në formatin e letrave A4 duke mos e pasqyruar në rrjedh kronologjike vendimmarrjen e Këshillit Mbikëqyrës.

-Për periudhën objekt auditimi, KM nuk e ka zhvilluar veprimtarinë vjetore bazuar në një program vjetor të miratuar për aktivitetin e drejtorisë dhe të mbledhjeve të tjera të posaçme të kërkua nga vetë këshilli apo drejtoria.

-Këshilli Mbikëqyrës nuk ka raportuar për veprimtarinë ekonomike e financiare të shoqërisë, jo më pak se 4 herë në vit, në Ministrisë së linjës, MFE në cilësinë e pronares (aksionare) e vetme e shoqërisë si dhe nuk është verifikuar dhe kontrolluar brenda tre muajve nga mbyllja e vitit finanziar, raportin e drejtorisë dhe të ekspertit kontabël.

-Nuk është kontrolluar ose mbikëqyrur nga Këshilli Mbikëqyrës zbatimin e politikave tregtare të Administratorit në shoqëri.

-Nga auditimi u konstatua se nga Administratori i Shoqërisë “Posta Shqiptare” SHA nuk është raportuar çdo tremujor mbi ecurinë dhe aktivitetin e shoqërisë në Këshillin Mbikëqyrës.

-Nga auditimi u konstatua se emërimi dhe shkarkimi i drejtoreve kandidatë të Qendrave Rajonale të shoqërisë Posta Shqiptare SHA nuk i janë propozuar Këshillit Mbikëqyrës për aprovim nga Administratori veprime këto në kundërshtim me statutin e shoqërisë (*Më hollësisht trajtuar në pikën 4 faqe 50-54 të Raportit të Auditimit*).

11.1Rekomandimi: Nga ana e Këshillit Mbikëqyrës të merren masa për sa më poshtë:

- Të raportojë në Ministrinë e Ekonomisë dhe Financave për veprimtarinë ekonomike e financiare të shoqërisë jo më pak se 4 herë në vit, duke filluar që nga viti aktual.
- Të hartojë dhe miratojë menjëherë programin vjetor të veprimtarisë për aktivitetin e drejtorisë dhe të mbledhjeve të tjera të posaçme të kërkuara nga vetë Këshilli apo Drejtoria.
- Të verifikojë dhe kontrollojë brenda afateve të përcaktuara ligjore mbylljen e viti finanziar, raportin e drejtorisë dhe të eksperpit kontabël.
- Të kontrollojë dhe mbikëqyrë zbatimin e politikave tregtare të shoqërisë Posta Shqiptare sha.

Vazhdimisht

11.2Rekomandimi: Të merren masat nga ana e Administratorit për hartimin e raporteve 3 mujore mbi ecurinë e shoqërisë dhe më pas raportimin e tyre në Këshillin Mbikëqyrës të shoqërisë.

Vazhdimisht

11.3Rekomandimi: Administratori i shoqërisë të marrë masat që të prezantojë dhe propozojë në Këshillin Mbikëqyrës kandidatët në të ardhmen dhe Drejtoret aktual të Drejtive në Filiale sipas kompetencave ligjore.

Vazhdimisht

12. Gjetje nga auditimi: Nga auditimi ka rezultuar se Posta Shqiptare sh.a nuk ka Strategji riku, regjistër riku të miratuar si dhe manualin e menaxhimin të riskut që të përbaj identifikimin, vlerësimin dhe kontrollin mbi ato ngjarje apo situata të mundshme, që kanë efekt të dëmshëm për përbushjen e objektivave të njësisë publike, dhe kryhet për të dhënë siguri të arsyeshme se këta objektiva do të realizohen. Gjithashtu nuk është caktuar koordinatori riskut. Nuk është krijuar një regjistër riksu për gjithë aktivitetin e Posta Shqiptare sh.a ku të jenë regjistruar dhe raportuar masat e marra për parandalimin e mashtrimit dhe të parregullsive, në shërbim të minimizimit të riskut të mashtrimeve dhe parregullsive. Nuk ka te hartuar pyetësor te vetëvlerësimi të sistemeve të kontrollit të brendshëm dhe menaxhimit finanziar si dhe nuk ka të hartuar raport për Këshillin Mbikëqyrës për nivelin e funksionimit të sistemit të kontrollit të brendshëm (*Më hollësish trajtuar në pikën 1 faze 12-18 të Raportit të Auditimit*).

12.1Rekomandim: Nga Administratori i Shoqërisë të merren masa për të ngritur një sistem eficient të kontrollit të brendshëm e menaxhimit finanziar, duke zbatuar kërkuesat e parashikuara nga ligji si dhe duke kryer procedurat hap pas hapi konform kërkësave te tij dha akteve në zbatim. Të merren masa për ngritjen e kapaciteteve te menaxherëve dhe stafit të Posta Shqiptare sha në drejtim të njohurive dhe implementimit te ligjit për menaxhimin finanziar dhe kontrollin.

Menjëherë

13. Gjetje nga Auditimi: Nga auditimi mbi strukturën organike të shoqërisë rezultoi se nga krashtimi i numrit total të punonjësve të programuar dhe të realizuar ka rezultuar një diferençë prej 26 punonjësish më pak për vitin 2017, 20 punonjës më pak për vitin 2018 dhe 70 punonjës më pak për 6 muajin e parë të 2019. Gjithashtu nga krashtimi i fondit të pagave të programuar dhe të realizuar ka rezultuar një mos realizim i fondit të pagave për vitin 2017 në vlerën 32,575,000 lekë dhe 27,908,000 lekë për vitin 2018. Nisur nga këto diferenca dhe mos realizime, mund të shprehemi me rezervë për planifikimin dhe analizimin e zërit të shpenzimeve për paga gjatë hartimit të programimit ekonomikë të shoqërisë. Duke sjellë kështu një programim jo të saktë dhe të argumentuar mirë për zbatimin e numrit mesatar të punonjësve dhe fondit të pagave (*Më hollësish trajtuar në pikën 5 faze 55-64 të Raportit të Auditimit*).

13.1Rekomandimi: Nga Drejtoria e Burimeve Njerëzore dhe Drejtoria e Ekonomisë të analizohet në mënyrë periodike treguesit e fuqisë punëtore (numrin mesatar të punonjësve, pagën mesatare dhe fondin e pagave) në përputhje me objektivat ekonomik dhe finanziar të

shoqërisë, në mënyrë të tillë që planifikimi vjetor përfundon e pagave të llogaritet në bazë të nevojave dhe jo të tejkalohet, pasi ky fond mund të ishte përdorur për nevoja të tjera të shoqërisë.

Vazhdimisht

14. Gjetje nga Auditimi: Nga auditimi i Rregullores së Brendshme të Institucionit nr. 6 datë 20.02.2018 u konstatua se detyrat e secilit pozicion janë të përcaktuara por nuk janë përcaktuar kriteret e kualifikimit për secilin pozicion pune si dhe nuk janë përcaktuar kriteret për procedurat e marrjes në punë, konkurrimin dhe vlerësimin e kandidatëve. Nga procedurat e ndjekura për rekrutimin e punonjësve nuk ka gjurmë për shpalljen e vendeve vakante dhe intervistimin ose testimin e kandidatëve, deri në përgjedhjen e tyre. Përgjedhja e punonjësve nuk është kryer si rezultat i një procedure rekrutimi të ndjekur, as të kritereve të pozicionit, në lidhje me nivelin arsimor, përvojën në punë, formimin bazë, etj.

Gjithashtu, nga auditimi me zgjedhje i dosjeve të personelit për 15 punonjës të Drejtorisë së Përgjithshme Posta Shqiptare sha u konstatua një rast ku diploma e një punonjëse nuk përputhej me kriterin arsimor të pozicionit të punës të miratuar në Strukturën e Drejtorisë së Përgjithshme (Më hollësish trajtuar në pikën 5 faqe 55-64 të Raportit të Auditimit).

14.1 Rekomandimi: Administratori i Shoqërisë të marrë masa, për ndërprerjen e praktikave të tilla, të hartojë dhe zbatojë plotësisht procedurat rekrutimit të punonjësve, si dhe të marrë masa për përcaktimin e kritereve të rekrutimit, për çdo pozicion pune, duke i bërë pjesë të Rregullores së Brendshme të Funksionimit të shoqërisë Posta Shqiptare SHA.

Menjëherë

15. Gjetje nga Auditimi: Nga auditimi u konstatua se qe prej vitit 2016 Shoqëria nuk ka një Kontratë kolektive që të rregullojë marrëdhëniet e punës dhe të përbajë dispozitat mbi kushtet e punësimit, lidhjen, përbajtjen dhe përfundimin e kontratave individuale të punës. Kjo sepse Shoqëria ka shkëputur marrëdhëniet kontraktuale me Sindikatën e Pavarur të Industrisë, Energetikës dhe Security të Shqipërisë nënshkruar më datë 18.03.2015 dhe aktualisht çështja është duke u ndjekur në gjykatë. Kontratat individuale të punës, pjesë e dosjes së punonjësve, ishin me afat një vjeçar dhe me afat të përcaktuar rinnovimi për një vit tjetër shtesë. Marrëdhëniet kontraktuale të punës nëpërmjet kontratave individuale nuk janë rinnovuar për tu përshtatur me ndryshimet e reja të Statutit të Shoqërisë, Strukturën Organizative të ndryshuar dhe nivelet e reja të pagave të shoqërisë (Më hollësish trajtuar në pikën 5 faqe 55-64 të Raportit të Auditimit).

15.1 Rekomandimi: Nga Administratori i Shoqërisë Posta Shqiptare SHA të merren masa të menjëherësme për rregullimin e marrëdhënieve kontraktuale të punës nëpërmjet Kontratave Kolektive dhe individuale në të cilat do të parashikohen dispozitat mbi kushtet e punësimit, lidhjen, përbajtjen dhe përfundimin e kontratave individuale të punës dhe të përshtaten me ndryshimet në Shoqërisë Posta Shqiptare SHA të Statutit, Strukturës Organizative të ndryshuar dhe nivelet e reja të pagave të shoqërisë.

Menjëherë

16. Gjetje nga Auditimi: Gjatë periudhës objekt auditimi niveli i pagave të punonjësve ka ndryshuar dy herë me vendimin Qarkullues nr. 9 dhe nr. 28 datë 21.11.2018 të Këshillit Mbikëqyrës. Nga auditimi i veprimtarisë vendimmarrëse të Këshillit Mbikëqyrës u konstatua se niveli i pagave dhe ndryshimi i nivelit të pagave për punonjësit e shoqërisë Posta Shqiptare SHA nuk janë të miratuar nga Ministria përkatëse, Ministria e Financave dhe Ekonomisë (Më hollësish trajtuar në pikën 5 faqe 55-64 të Raportit të Auditimit).

16.1 Rekomandim: Nga ana e Administratorit dhe Këshillit Mbikëqyrës të shoqërisë Posta Shqiptare sha të merren masa për vënien në dijeni dhe aprovimin e nivelit aktual të pagave të

detajuar për çdo pozicion pune të shoqërisë nga Ministria përkatëse si dhe të ndiqet kjo praktikë për çdo ndryshim në të ardhmen në nivelin të pagave të shoqërisë.

Vazhdimisht

17. Gjetje nga Auditimi: Nga auditimi ka rezultuar se me urdhër prokurimi nr. 7 datë 22.06.2018 ka filluar porcedura e prokurimit me vlerë të vogël "Shërbimin ndërsaçë ndërmjet sistemit Eterna dhe kompanisë Digicom". Nga auditimi i kësaj procedure rezultoi se nuk është zgjedhur procedura e duhur e prokurimit, pasi foni limit tejkalon kufirin ligjor për prokurime me vlera të vogla, duke qenë se shërbim i ngashme, është kryer për Procedurën e prokurimit të hapur në vlerën 25,000,000 lekë.

Gjithashtu, nga verifikimi i specifikkimeve teknike të hartuara nga grupi i ngritur me UB nr. 345 datë 18.06.2018 dhe ftesës për ofertë të paraqitur nga Autoriteti Kontraktor rezultoi se është kërkuar që kapacitetet teknike qe duhet të ketë OE te jenë zotërimi i të Drejtës së Autorit për programin Eterna Software të instaluar tek Posta Shqiptare si dhe të disponojë kodin në burim, pasi posta Shqiptare nuk e disponon këtë kod. Nisur nga sa është kërkuar specifikimet teknike për procedurën e blerjes me vlerë të vogël janë diskriminuese dhe pengesë për konkurrencën e hapur në kundërshtim me Ligji nr. 9643, datë 20.11.2006 "Ligi për Prokurimin Publik" i ndryshuar, neni 2, parimet e përzgjedhjes, germa (a), germa (b) dhe germa (c) dhe VKM nr. 914, datë 29.12.2014, neni 61 "Hartimi dhe publikimi i dokumenteve të tenderit", pika 2, pasi i vetmi operatorë i cili zotëron të Drejtën e Autorit dhe kodin në burim është operatori Helius System shpk i cili është shpallur fitues (*Më hollësisht trajtuar në pikën 6 faqe 65-71 të Raportit të Auditimit*).

17.1 Rekomandimi: Administratori i Shoqërisë dhe departamentet përkatëse, të marrin masat e nevojshme dhe të bashkërendojnë punën me njësitë vartëse, për të programuar saktë nevojat për prokurimet me vlera të vogla për punë, mallra dhe shërbime, të përcaktojnë grup mallra e shërbime sipas natyrës së përdorimit, për të shmangur copëzimin e fondeve dhe kryerjen e procedurave të prokurimit me efektivitet, transparencë dhe konkurrencë të operatorëve ekonomikë.

17.2 Rekomandimi: Nga Autoriteti Kontraktor të tregohet kujdes gjatë hartimit të specifikkimeve teknike me qëllim eliminimin e mangësive për kryerjen e një procedure sa më transparente e duke nxitur konkurrencën.

Vazhdimisht

18. Gjetje nga Auditimi: Nga auditimi i praktikave të pagesave me bankë, u konstatua se nga likuidimi i faturës nr. 120 datë 1.07.2018 për shërbimin "Mirëmbajtje ETERNA", për OE Helius System, në procesverbalin bashkëlidhur faturës nuk është bërë asnjë sqarim mbi gjetjen dhe riparimin e problemeve nga OE ose përshkrimi i situatës në rast se sistemi ka qenë në punë të plotë dhe pa problem (*Më hollësisht trajtuar në pikën 6 faqe 65-71 të Raportit të Auditimit*).

18.1 Rekomandimi: Nga grupi i ndjekjes së zbatimit të kontratës të merren masa menjëherë për hartimin dhe dokumentimin e plotë të veprimeve ose ngjarjeve duke pasqyruar me përpikmëri zbatimin e kushteve të kontratës.

Vazhdimisht

19. Gjetje nga auditimi: Nga auditimi i procedurave me vlerë të vogël të realizuara nga Filiali Lezhë u konstatua se në të gjitha procedurat mungonte kërkesa e drejtorisë së shërbimeve përinicimin e blerjes (*Më hollësisht trajtuar në pikën 6 faqe 65-71 të Raportit të Auditimit*).

19.1 Rekomandimi: Drejtoria e Filialit Lezhë të marrë masat menjëherë që për çdo procedurë të ndjekur në të ardhmen të iniciohet nga kërkesa e Drejtorisë së Shërbimeve në mënyrë të tillë që mallrat e prokuruar të bazohen në një analizë të dokumentuar të nevojave, bazuar edhe në gjendjen reale të artikujve/mallrave në magazinë duke e bërë praktikën sa më transparente.

Vazhdimisht

20.Gjetje nga auditimi: Me kërkesën datë 11.02.2019 për “Riparimin e gjeneratorit të dhomës së serverave” drejtuar komisionit të prokurimeve me vlera të vogla nga drejtori i IT dhe Zhvillimit, ka nisur procedura ku kanë sjellë ofertat 3 operatorë ekonomik me datë 13.02.2019 dhe është shpallur fitues operatori “Intermedia Sistem Integrator sh.p.k” me oferten me të ulët në vlerën 92,600 lekë pa t.v.sh. Është kryer likujdimi i faturës nr.08, datë 13.02.2019 ndaj këtij operatori me transaksionin bankar datë 27.02.2019 në shumën 111,120 lekë me t.v.sh. Në këtë procedurë u konstatua se nuk është kryer asnjë akt-kontrolli përpara kërkesës për servis ku të identifikoheshin saktë defektet e pësuara edhe arsyet e nga se është shkaktuar. Gjithashtu u konstatua se edhe pas sherbimit të kryer nuk është mbajtur asnjë procesverbal i riparimit të gjeneratorit. Si konkluzion, procedura e ndjekur për këtë shërbim nuk është e rregullt pasi nuk evidenton sherbimin e kryer për riparim (*Më hollësisht trajtuar në pikën 6 faqe 82-90 të Raportit të Auditimit*).

20.1.Rekomandim: Nga Drejtoria Ekonomike të mos kryhen likuidime pa pasur gjithë dokumentacionin e mundshëm të kryerjes së shërbimit referuar funksioneve të N/Z në ligjin për Menaxhimin Financiar dhe Kontrollin.

Menjëherë

21. Gjetje nga auditimi: Nga auditimi i kritereve për kualifikim dhe specifikimeve teknike të vendosura në DST për procedurat e prokurimit me objekt: a). “Kalimi i sistemit ETERNA në web dhe zhvillime të tjera, programi i informatizimit të menaxhimit të burimeve njerëzore dhe financë kontabilitet si dhe sistem software për ndjekjen dhe menaxhimin e çështjeve help-desk”, viti 2017 me fond limit 29,500,000 lekë, b). “Mirëmbajtja e sistemit Eterna”, viti 2019 me fond limit 9,450,000 lekë dhe c). “Eterna Gateway Application”, viti 2018 me fond limit 25,000,000 lekë, u konstatua se janë vendosur kritere diskriminuese duke shmangur konkurencën e lirë në kundërshtim me ligjin nr. 9643, datë 20.11.2006, i ndryshuar, neni 2, parimet e përzgjedhjes, gërmë (a), gërmë (b) dhe gërmë (c) (*Më hollësisht trajtuar në pikën 3 faqe 25-50 të Raportit të Auditimit*).

21.1 Rekomandim: Drejtoria e Postës Shqiptare SHA, sektori prokurimeve, grupet e hartimit të specifikimeve teknike dhe kritereve për kualifikim, të marrin masa që në të ardhmen, në hartimin e Dokumenteve Standarde të procedurave të prokurimit, të shmangin vendosjen e kritereve diskriminuese për të krijuar kushtet e një konkurrence të lirë për pjesëmarrjen në tender të sa më shumë operatorëve ekonomik.

Menjëherë

22. Gjetje nga auditimi: Nga auditimi i procedurave të prokurimit me objekt: a). “Fushatë publicitare në median e shkruar online ‘Dixhitale’, median e shtypur dhe median në ambientet e jashtme”, viti 2017 me fond limit 9,785,283.86 lekë, b). “Fushatë publicitare në median vizive”, viti 2018 me fond limit 4,900,000 lekë dhe c). “Fushatë publicitare në median online”, viti 2018 me fond limit 6,980,000 lekë, u konstatua se nuk është argumentuar nevoja e kryerjes së fushatave. Mungon analiza ekonomike tek e cila duhej të pasqyrohet në mënyrë të detajuar, përfitimet ekonomike që do të kishte Posta Shqiptare duke kryer këtë investim. Kërkesa për nevojën e kryerjes së investimit nga Drejtori i Marketingut, nuk është e argumentuar. Nuk ka asnjë dokument ku të pasqyrohet një krahasim midis periudhave të mëparshme nëse ka pasur rënie të ardhurave apo nëse ka qenë mungesa e fushatës publicitare që ka sjellë rënie të ardhurave. Nuk ka asnjë parashikim përritjen e të ardhurave në rast të kryerjes së një fushatë publicitare dhe as ndonjë realcion pas përfundimit të fushatës publicitare. Drejtoria e Marketingut, nuk ka paraqitur një plan të qartë vjetor të nevojave për reklamë dhe publicitet duke mos theksuar ndikimin që ka publiciteti në zhvillimin e shoqërisë dhe arritjen e objektivave (*Më hollësisht trajtuar në pikën 3 faqe 25-50 të Raportit të Auditimit*).

22.1 Rekomandim: Drejtoria e Postës Shqiptare SHA, Drejtoria e Marketingut, Drejtoria Ekonomike, të bashkërendojnë punën për kryerjen e një analize profesionale ekonomike duke

krahasuar elementët dhe gjendjen ekonomike të institucionit përpara fillimit të një fushate publicitare me ato pas përfundimit të saj me qëllimin e vetëm, arrijen e objektivave afatgjatë të Postës Shqiptare, të përcaktuara në rregulloren e brendshme por edhe në aktet ligjore e nënligjore.

Menjëherë

23. Gjetje nga auditimi: Nga auditimi i procedurës së prokurimit me objekt “Mirëmbajtje Eterna Gateway Application për 4 vite”, viti 2019 me fond limit 20,000,000 lekë, tek specifikimet teknike në DST, është pëershkuar se duhet të mirëmbahen funksionet Eterna Gateway. Funksionet e sistemit Eterna Gateway, janë implementuar në vitin 2018 sipas procedurës së prokurimit me objekt “Eterna Gateway Application” (Implementim). Posta Shqiptare SHA, nuk ka asnjë të ardhur nga implementimi i kontratës së mëparshme e si rrjedhojë, nuk ka pasur asnjë arsyé për të mirëmbajtur një sistem i cili nuk është vënë në punë. Fillimi i një procedure prokurimi për mirëmbajtjen e një sistemi që akoma nuk ka sjellë të ardhura financiare për institucionin pas implementimit të tij, do të krijojë në të ardhmen, vetëm shpenzime me efekte negative për Postën Shqiptare SHA (*Më hollësisht trajtuar në pikën 3 faqe 25-50 të Raportit të Auditimit*).

23.1 Rekomandim: Drejtoria e Postës Shqiptare SHA, Drejtoria e IT, të marrin masa që në të ardhmen, përpara kryerjes së një procedure prokurimi, me objekt mirëmbajtje të sistemeve IT, të analizojnë kapacitetet profesionale të stafit inxhinierik të Drejtorisë së IT, e në vazhdim, vetëm nëse nuk përbushen kriteret profesionale, të kryejnë mirëmbajtjen me të tretë duke argumentuar më parë nevojat për mirëmbajtje në rakordim me Drejtorenë Ekonomike për të analizuar ekonomikisht investimin në favor të buxhetit të shoqërisë.

Menjëherë

24. Gjetje nga auditimi: Nga auditimi i zbatimit të procedurave të prokurimit me objekt:

- a) “Shërbimi Intranet/Internet në zyrat Postare në filiale e Degë të Posta Shqiptare SHA” me fond limit 39,473,200 lekë, viti 2018;
- b) “Mirëmbajtje e sistemit Voip + Upgrade” viti 2018 me fond limit 8,000,000 lekë; U konstatua se grupet e monitorimit nuk kanë bashkangjitur procesverbalit të kryerjes së shërbimit, asnjë diagramë mbi monitorimin e trafikut të intranet/internetit në rastin a) dhe të ofrimit të shërbimit të mirëmbajtjes në rastin b), duke e bërë të pa mundur auditimin e kryerjes ose jo të shërbimit sipas sasive të intranetit të prokuruar apo edhe të mirëmbajtjes sipas objekteve të procedurave të prokurimit. Thjesht dhe vetëm mbajtja e procesverbaleve nga grupet e monitorimit, duke përcaktuar se “Shërbimi i ofruar nga kontraktuesi për filialat dhe degët e Postës Shqiptare, përbush kërkeshat e kontratës në të gjitha zyrat postare.....” pa përcaktuar mënyrën e monitorimit pra pa pëershkuar sasinë e mbps të internetit të ofruar apo mënyrën e monitorimit për mirëmbajtje dhe arsyet e dëmtimit të pajisjeve, nuk përbën në vetvete një raport monitorimi. Gjithashtu, referuar rastit a), vlera e likuiduar në total është 21,986,972.6 lekë dhe jo sa është vlera e kontratës pra 43,973,856 lekë me TVSH. Nuk ka asnjë shpjegim në dosjen e zbatimit të kontratës lidhur me mos likuidimin në total të vlerës së prokuruar. Si rrjedhojë, në pamundësi për të vërtetuar sasinë e mbps të ofruar sipas kontratës, (jo përfajin e grupit të monitorimit pasi ai i është referuar kontratës dhe kushteve të zbatimit të saj) vlera e mbetur pa likuiduar, do të mbetet e tillë deri në momentin që bashkimi i operatorëve ekonomik “COMMUNICATION PROGRESS” SHPK & “ALBTELECOM” SHA, do të paraqesin pranë Postës Shqiptare SHA, raportet e monitorimit të trafikut internet/intranet të nënshkruara nga palët. Grupi i auditimit, nuk mund të kalkulojë sasitë “data” që kanë përdorur ose jo zyrat postare dhe si rrjedhojë nuk mund të jap opinion nëse kontrata është përbushur 100 % sipas specifikimeve teknike (*Më hollësisht trajtuar në pikën 3 faqe 25-50 të Raportit të Auditimit*).

24.1.a Rekomandim: Drejtoria e Postës Shqiptare SHA, Drejtoria Ekonomike, Drejtoria e IT, të marrin masat që përpara se të likuidojnë vlerën e mbetur pa likuiduar, të kërkojnë nga operatori ekonomik, diagramat e trafikut të internet/intranet të monitorimit në kohë reale sipas afateve dhe kushteve të përcaktuara në kontratë.

Menjëherë

24.2.a Rekomandim: Drejtoria e Postës Shqiptare SHA, Drejtoria Juridike, Drejtoria e IT, të marrin masat që në të ardhmen, në hartimin e kushteve të zbatimit të kontratave për shërbimet internet/intranet, të përfshijnë dhe dorëzimin e diagramave të monitorimit të trafikut për të vërtetuar kryerjen e shërbimit në sasi dhe cilësi përpara likuidimit të shërbimit.

Menjëherë

24.3.a Rekomandim: Drejtoria e Postës Shqiptare SHA, sektori juridik, të marrin masa që në të ardhmen, në hartimin e urdhrave për ngritjen e komisioneve të ndjekjes dhe zbatimit të kontratave, të përcaktojnë detyrat e secilit anëtar të grupit për respektimin e afateve të kontratave apo marrjen në dorëzim dhe kolaudimin e mallrave.

Menjëherë

24.4.b Rekomandim: Drejtoria e Postës Shqiptare SHA, Drejtoria e IT, të marrin masat që në të ardhmen, për të vërtetuar shërbimet e kryera për mirëmbajtjen e sistemeve IT, të mbajnë raporte të detajuara për sasinë dhe llojin e shërbimit të ofruar apo defektit me qëllim, marrjen e masave për minimizimin e tyre dhe nxjerrjen e përgjegjësive nëse ka.

Menjëherë

25. Gjetje nga auditimi: Nga auditimi i strukturës organizative dhe fondi i pagave në Filialin Shkodër rezultoi se për vitin 2018 dhe për 5mujorin e parë të vitit 2019 struktura e programuar ishte tejkaluar me një numër mesatar prej 3 punonjës duke rezultuar dhe me një tejkalim i shpenzimeve për paga në vlerën **963,000 lekë** për vitin 2018, ku nga 58,914,000 lekë të planifikuara janë realizuar 59,877,000 lekë dhe për 5mujorin e parë të vitit 2019 u konstatua një tejkalim prej **416,000 lekë** nga 24,751,000 lekë në 25,167,000 lekë (*Më hollësisht trajtuar në pikën 9 faze 116-123 të Raportit të Auditimit*).

25.1Rekomandim: Nga Drejtoria e Përgjithshme dhe Filiali Shkodër të merren masa të menjëhershme për respektimin e strukturës së miratuar të punonjësve në mënyrë të tillë që mos të tejkalohet fondi i pagave të programuara për këtë Filial.

Menjëherë

26. Gjetje nga auditimi: Me urdhër prokurimi nr. 6 datë 10.05.2018 ka filluar porcedura e prokurimit me vlerë të vogël "Shërbimi e-learning". Nga procedura është shpallur fitues operatori ekonomik "Koral INC" i cili ka paraqitur dokumentacionin e kërkuar nga Autoriteti Kontraktor. Nga auditimi rezultoi se dokumentacioni i paraqitur nga OE i shpallur fitues nuk ka qenë i plotë sipas kërkesës në ftesën për ofertë. Koral INC nuk ka paraqitur dokumentin që vërteton se Koral INC është i njohur nga Ministria e Arsimit Sportit dhe Rinisë siç kërkohet në ftesën për ofertë datë 10.05.2018.

Më datë 16.05.2018 është lidhur kontrata nr. 6/1 për një afat 365 ditë ndërkohë që sigurimi i kontratës ka afat deri në datë 16.06.2018 ose 1 muaj nga nënshkrimi i kontratës duke mos mbuluar të gjithë aktivitetin e kontratës në kundërshtim me nenin 10, pika 2 e kontratës nr. 6/1 datë 16.05.2018 (*Më hollësisht trajtuar në pikën 6 faze 82-90 të Raportit të Auditimit*).

26.1Rekomandimi: Njësia e Prokurimit të blerjeve me vlerat të vogla të marrë masa që në të gjitha rastet e prokurimit të mallrave me vlera të vogla të plotësojë dokumentacionin e plotë për pritjen dhe kolaudimin e mallrave të prokuruar.

26.2Rekomandimi: Autoriteti Kontraktor të kërkojë si kusht nga Operatorët Ekonomikë që Sigurimi i Kontratës të mbulojë të gjithë afatin e zbatimit të kontratës në mënyrë të tillë që në rast se OE nuk plotëson kushtet e kontratës të mbahet prej tij sigurimi i kontratës.

Vazhdimisht

27. Gjetje nga auditimi: Nga auditimi i dosjeve të Drejtorisë së Auditit të Brendshëm u konstatua se shpeshherë bëhen gjetje duke i trajtuar si fenomene por nuk shoqërohen me rekomandime dhe masat përkatëse disiplinore për personat përgjegjës, në kundërshtim me ligjin nr. 114/2015, date 22.10.2015 “Për auditimin e brendshëm në sektorin publik” nen 6 pikë c. Nga auditimi rezultoi se Drejtoria e Auditit te Brendshëm nuk ka kryer auditime në Drejtorinë e Përgjithshme ku janë të përqendruara procedurat për të gjitha aktivitetet e Postës Shqiptare si planifikim treguesish, marketimi, procedura prokurimi, monitorimi i programeve të IT të instaluara, etj. të cilat janë të rëndësishme në veprimtarinë e Postës Shqiptare dhe ku auditimi i vazhdueshëm për veprimitaritë e drejtorive të Drejtorisë së Përgjithshme del i rëndësishëm në lidhje me efektivitetin dhe menaxhimin e fondeve të saj. Gjithashtu e gjithë Posta Shqiptare e kryen veprimtarinë e shërbimit nëpërmjet programeve të instaluara, për rrjedhojë del i domosdoshëm dhe auditimi i IT që aktualisht mbulohet nga një specialist i Drejtorisë së Auditimit (*Më hollësishtrajtuar në pikën 1 faze 12-18 të Raportit të Auditimit*).
27.1 Rekomandim: Drejtoria e Auditit të Brendshëm, të marri masa që në të ardhmen të planifikojë në programet e auditimit, auditimin e Drejtorisë së Përgjithshme të Posta Shqiptare SHA në të gjitha drejtoritë që ka në përbërje ky institucion.

Menjëherë

27.2 Rekomandim: Nga e Drejtoria e Auditit të Brendshëm, duhet që gjetjet e rezultuara ti shoqërojë me masat përkatëse përmirësuese nëpërmjet rekomandimeve dhe të fuqizojë stafet e saj me trajnime në fushën auditimit të IT.

Menjëherë

C. MASA SHPËRBLIM DËMI

Janë konstatuar dëme ekonomike në masën 6,969,270 lekë si më poshtë vijon:

1. Gjetje nga auditimi: Nga auditimi i situacionit përfundimtar dhe zbatimit të kontratës me objekt “Rikonstruksion dhe shtesë katesh të Godinës Administrative të Drejtorisë së Përgjithshme të Posta Shqiptare SHA dhe Drejtorisë së Filialit Tiranë”, viti 2013, u konstatua se pajisjet për zérin “Makineri Pajisje”, në situacionin përfundimtar të kontratës bazë dhe asaj shtesë, janë llogaritur me TVSH duke i konsideruar si punime ndërtimi punimet e furnizimit të pajisjeve. Si përfundim, është likuiduar tepër në favor të sipërmarrësit të punimeve, vlera 4,070,200 lekë pasi është përfshirë TVSH-ja e pajisjeve në situacionin e punimeve për kontratën bazë dhe atë shtesë vlerë kjo e cila përbën një dëm ekonomik ndaj buxhetit të shtetit dhe duhet dëmshpërblyer nga operatori ekonomik “JUNIK” SHPK (*Më hollësishtrajtuar në pikën 3 faze 25-50 të Raportit të Auditimit*).

1.1 Rekomandimi: Drejtoria e Postës Shqiptare SHA, Drejtoria Juridike, të marrin masa për arkëtimin e vlerës prej 4,070,200 lekë, nga operatori ekonomik “JUNIK” SHPK, si vlerë që është dëm ekonomik për Postën Shqiptare SHA, nga likuidimi i vlerës së TVSH për zérin makineri pajisje.

Menjëherë

2. Gjetje nga auditimi: Nga auditimi i zbatimit të kontratës me objekt “Fushatë publicitare në median vizive”, viti 2018 me fond limit 4,900,000 lekë, u konstatuan vonesa në ekzekutimin e kontratës jashtë afateve të përcaktuara. Referuar nenit 10, të kontratës së lidhur, penalitet, kemi: $5,820,000 * 4/1000 * 69$ ditë vonesë = 1,606,320 lekë. Kjo vlerë, është dëm ekonomik për Postën Shqiptare SHA dhe duhet të dëmshpërblehet nga “EDIT 4” person fizik me përfaqësues znj. Violana Murataj (*Më hollësishtrajtuar në pikën 3 faze 25-50 të Raportit të Auditimit*).

2.1 Rekomandimi: Nga Drejtoria e Postës Shqiptare, Drejtoria Juridike, Drejtoria Ekonomike, të analizohet dhe të nxirren përgjegjësitet përkatëse për dëmin ekonomik të shkaktuar dhe të ndiqen të gjitha procedurat administrative dhe ligjore për arkëtimin e vlerës prej 1,606,320 lekë,

nga operatori ekonomik “EDIT 4” person fizik me përfaqësues

si

vlerë që i përket penalitetit për ekzekutimin e kontratës jashtë afateve të percaktuara.

Menjëherë

3. Gjetje nga auditimi: Nga auditimi i zbatimit të kontratës me objekt “*Kalimi i sistemit ETERNA në web dhe zhvillime të tjera, programi i informatizimit të menaxhimit të burimeve njerëzore dhe financë kontabilitet si dhe sistem software për ndjekjen dhe menaxhimin e çështjeve help-desk*”, viti 2017 dhe me fond limit 29,500,000 lekë, u konstatuan vonesa në ekzekutimin e kontratës jashtë afateve të percaktuara. Referuar nenit 23 të kontratës së lidhur për likuidimin e dëmeve për dorëzimin e vonuar, pika 23.1, vlera e penalitetit, do të llogaritet me tarifën ditore 2/1000 të vlerës koresponduese të mbetur pa u zbatuar. Vlera në total e penalitetit që i duhej mbajtur operatorit ekonomik “HELIUS SYSTEM” SHPK, është 775,200 lekë. Grupi i auditimit, i është referuar dokumentacionit të vënë në dispozicion në kohën e auditimit i cili ka pasur paqartësi dhe mangësi që janë sjellë me observacionet e mëvonshme. Si rrjedhojë nuk mund të shprehemi në lidhje me ekzistencën ose jo të dëmit në fakt. Ndaj Posta Shqiptare SHA, duhet ta analizojë këtë gjetje të grupit të auditimit pas marrjes së raportit përfundimtar (*Më hollësish trajtuar në pikën 3 faqë 25-50 të Raportit të Auditimit*).

3.1 Rekomandimi: Drejtoria e Postës Shqiptare SHA, Drejtoria Juridike, Drejtoria Ekonomike dhe Drejtoria e IT, të analizojnë dokumentet e dorëzuara nga operatori ekonomik “**HELIUS SYSTEM**” SHPK, lidhur me afatet e ekzekutimit të kontratës dhe penalitetit prej 775,200 lekë të konstatuar nga grupi i auditimit, duke pasur në konsideratë qëllimin e kryerjes së shërbimit dhe të arritjes së objektivave të institucionit dhe në varësi të fakteve dhe argumenteve, të vendoset nëse do ti mbahet penaliteti i percaktuar në raportin e auditimit.

Menjëherë

4. Gjetje nga auditimi: Nga auditimi ka rezultuar se Posta Shqiptare për vitet 2017, 2018, 2019 (periudhë auditimi) ka lidhur kontratë përfurnizimin me karburant me dy kontraktorë:

b.1- Me Europetrol Durres Albania Sha është lidhur kontrata me nr. 2090/6 datë 08.09.2017 me ndryshime me kontratën nr.2689, datë 10.09.2018 (ndryshimet kanë të bëjnë me shtyrjen e afatit të zbatimit të kontratës deri në marrjen e furnizimit të plotë të sasisë dhe realizimit të vlerës së kontratës). Vlera e kontratës është 65,079,048 lekë me TVSH për 382,000 litra gazoil me marzh fitimi 21% dhe 12,761,100 lekë me TVSH për sasinë 75,000 litra benzinë dhe marzh fitimi 22%.

b.2.Kontrata me nr.2886/6 datë 3.12.2018 me operator Kastrati Shpk & Kastrati Sha me afat furnizimi 1 vit dhe vlerë kontrate 62 139,490 lekë pa TVSH dhe 63,155,379.6 me TVSH dhe sasitë 69,240 litra benzinë me vlerë 9,510,007 lekë dhe 11,412,008.4 me TVSH dhe marzh fitimi 17.7% dhe 369,600 litra gazoil me vlerë 52,629,483 lekë me marzh fitimi 16.7% .

Gjatë auditimit të dokumentacionit të vendosur bashkëlidhur likuidimit të bankës rezultoi se për kontratën Europetrol Durres Albania Sha kontraktori ka vendosur bashkëlidhur dhe llogaritjen e çmimit për çdo faturë të paraqitur sipas elementeve përbërës të tij. Në elementët përbërës të çmimit nga ana e kontraktorit është përfshirë dhe Taksa e markimit në masën 0.614 për i litër gazoil dhe benzinë .

Referuar akteve në fuqi taksa e markimit apo e shënimis nuk është element i çmimit të karburanteve, por referuar përcaktimëve të paraqitura në vendimin e Këshillit të Ministrave nr. 498, datë 30.5.2013 “Për përcaktimin e procedurave të shënjimit të naftës bruto dhe nënprodukteve të naftës”, është një shpenzim dhe detyrim i çdo operatori. Në këtë mënyrë operatori ka shkaktuar rritje të vlerës përlitër karburanti të furnizuar, në mënyrë të padrejtë dhe në kundërshtim me aktet në fuqi përlitë elementet e çmimit të karburanteve të paraqitura dhe në udhëzimin e APP. Në total gazoil dhe benzinë në vlerën **370,413 lekë** është shuma e përfituar më shumë **nga Europetrol Durrës Albania SHA** si rezultat i aplikimit në çmim të taksës së markimit detyrim i tij. Kjo shumë përbën dëm ekonomik detyrim për kthim nga Europetrol

Durrës Albania Sha. dhe në total gazoil dhe benzinë në vlerën **152,124 lekë** është shuma e përfituar më shumë ***nga Kastrati Shpk & Kastrati SHA*** (nga furnizimi deri më (1.06.2019) si rezultat i aplikimit në çmim të taksës së markimit detyrim i tij. Kjo shumë përbën dëm ekonomik detyrim për kthim nga Kastrati Shpk & Kastrati Sha.

Në veçanti nga kontrata me Europetrol Durrës Albania Sha kontrata me Kastrati Shpk & Kastrati Sha ka të përcaktuar në nenin 3.2 të saj se në çmimin e kontratës është i përfshirë përveç të tjerave dhe tarifa e shënimit të karburanteve. Përfshirja e tarifës së shënimit apo të markimit, bie në kundërshtim me taksat dhe tarifat e përcaktuara në aktet në fuqi. Kjo taksë në zbatim të vendimit të Këshillit të Ministrave nr. 498, datë 30.5.2013 është një shpenzim dhe detyrim i çdo operatori para tregtimit të mallit.

Referuar observacioneve të paraqitura ka rezultuar se nga Posta Shqiptare Sha janë nisur procedurat përkohet e shumave me shkresat nr. 2121 6.08.2019 "Njoftim detyrimi operatorit "Europetrol Durrës" SHA, dhe shkresat nr. 2119, datë 6.08.2019 "Njoftim detyrimi" si dhe shkresa me nr. 2120, datë 6.08.2019 "Kërkesë përkohet e shume" dërguar bashkimit të operatorëve "Kastrati" shpk & "Kastarati" SHA ku njoftohen përkohet e shumës të marrë padrejtësish prej 152,124 lekë deri më 1.06.2019 dhe shumën prej 25,013.64 lekë për periudhën 1.06- 31.07.2019 (*Më hollësisht trajtuar në pikën 6 faze 71-81 të Raportit të Auditimit*).

4.1-Rekomandimi: Nga strukturat përgjegjëse të Posta Shqiptare SHA, të kontabilizohet dhe të kerkohet në rrugë ligjore, duke ndjekur të gjitha procedurat e nevojshme administrative dhe të gjitha shkallët e gjykimit, përkohet e shume 370,413 lekë, nga Operatori Ekonomik Europetrol Durrës Albania SHA, përfitim të padrejtë nga aplikimi i taksës së markimit në çmimin e karburantit në mënyrë të padrejtë dhe në kundërshtim me aktet ligjore në fuqi.

Menjëherë

4.2-Rekomandimi: Nga strukturat përgjegjëse të Posta Shqiptare SHA, të kontabilizohet dhe të kerkohet në rrugë ligjore, duke ndjekur të gjitha procedurat e nevojshme administrative dhe të gjitha shkallët e gjykimit, përkohet e shume 177,137.6 lekë, nga bashkimit të operatorëve "Kastrati" shpk & "Kastarati" SHA, përfitim të padrejtë nga aplikimi i taksës së markimit në çmimin e karburantit në mënyrë të padrejtë dhe në kundërshtim me aktet ligjore në fuqi.

Menjëherë

5.Gjetje nga auditimi: Nga auditimi ka rezultuar se me urdhërin e prokurimit nr. 02, datë 19.03.2019, komisioni i prokurimit përbën blerje me vlera të vogla ka filluar procedurën e prokurimit përkohet e shume 785,862 lekë. Me procesverbalin e datës 21.03.2019 komisioni ka bërë skualifikimin e disa operatoreve me arsyetimin e përllogaritjes jo të saktë të ofertës së paraqitur referuar rekomandimit të APP dhe me datë 21.03.2019 është shpallur si ofertë fituese operatori ekonomik "Inday-18" me vlerë oferte 943,034 lekë me tvsh. Komisioni i blerjeve të vogla ka bërë s'kualifikimin të operatorit "ASI-2A CO" me ofertën ekonomike 896,400 lekë cila është vlerë mbi minimumin e llogaritur nga komisioni konform rekomandimit të APP në zbatim të VKM nr. 354, datë 11.05.2016, që do të thotë se operatori ekonomik është s'kualifikuar pa të drejtë nga konkurrimi. Citojmë se oferta e operatorit fitues është e njëjtë me fondin limit të përllogaritur nga ana e njësisë së prokurimit.

Diferenca në shumën 46,634 lekë me TVSH midis vlerës së ofertës fituese me vlerën e operatorit të s'kualifikuar padrejtësish përbën dëm ekonomik për shoqërinë Posta Shqiptare (*Më hollësisht trajtuar në pikën 6 faze 82-90 të Raportit të Auditimit*).

5.1 Rekomandim: Nga Posta Shqiptare SHA të kontabilizohet dhe të ndiqen të gjithë procedurat administrative në të gjitha shkallët e gjykimit përkohet e shume 46,634 lekë, të shkaktuar nga komisioni i prokurimit me vlerë të vogëltë përbërë ngaznj. Mirela Hoxhaj, znj. Evis Brarri, dhe znj. Jonida Nanushi.

Menjëherë

6.Gjetje nga auditimi: Nga auditimi ka rezultuar se është kryer pagesa paradhënie për pritje përcellje me mandat pagesë nr.9, datë 17.04.2019 në vlerën 60,000 lekë në bazë të programit të punës nr. 778/1 prot., datë 01.04.2019 të miratuar nga titullari i Postës Shqiptare SHA. Paradhënia nuk është mbyllur me argumentin se nuk janë paraqitur deri në këtë moment asnjë dokumentacion justifikues si fatura tativore e shoqëruar me kupon tativor e cila të tregojë shërbimin e marrë dhe vlerën e shpenzuar (*Më hollësisht trajtuar në pikën 6 faqe 82-90 të Raportit të Auditimit*).

6.1 Rekomandim: Nga ana e Drejtorisë Ekonomiketë kërkohet mbyllja e paradhënieve në shumën 60,000 lekë dhe argumentimi me dokumente ligjore të justifikimit të shpenzimit brenda periudhës së shqyrtimit të këtij raporti. Në mungesë të këtij dokumentacioni shuma paradhënieve të konsiderohet dëm ekonomik duke ndjekjur procedurat administrative në të gjitha shkallët e gjykimit për punonjësit që kanë përgjegjësi në shpenzimin e paradhënieve.

Menjëherë

D.MASA PËR ELIMINIMIN E EFEKTEVE NEGATIVE TË KONSTATUARA NË ADMINISTRIMIN E FONDEVE PUBLIKE DHE PËR MENAXHIMIN ME EKONOMICITET, EFICIENCË DHE EFEKTIVITET TË FONDEVE PUBLIKE.

Janë konstatuar efekte negative financiare në masën 145,698,753.14 lekë si më poshtë vijon:

1. Gjetje nga auditimi: Nga auditimi i procedurës së prokurimit me objekt “Fushatë publicitare në median online”, viti 2018 me fond limit 6,980,000 lekë, u konstatua se grapi i përllogaritjes së vlerës së fondit limit, nuk i ishte referuar kontratës së mëparshme por tregut. Si rrjedhojë, rezultoi se kontrata e mëparshme ishte me vlerë më të ulët dhe kriteret ishin pothuajse të njëjta. Diferenca e fondit limit të përllogaritur në kontratën e mëparshme dhe ajo e përllogaritur në këtë procedurë, është 2,094,716.14 lekë. **Kjo vlerë, është efekt negativ financiar për PSH SHA** (*Më hollësisht trajtuar në pikën 3 faqe 25-50 të Raportit të Auditimit*).

1.1 Rekomandim: Drejtoria e Postës Shqiptare SHA, Drejtoria Juridike, Drejtoria e Marketingut, të marrin masat për argumentimin e fondeve limite të fushatave publicitare, me qëllim mos kryerjen e investimeve me vlera që nuk justifikojnë objektivin e përcaktuar më parë dhe që mund të shkaktojnë efekte financiare negative për buxhetin e Postës Shqiptare SHA.

Menjëherë

2. Gjetje nga auditimi: Nga auditimi i procedurës së prokurimit me objekt “Eterna Gateway Application”, viti 2018 me fond limit 25,000,000 lekë, u konstatua se nuk është argumentuar nevoja e kryerjes së këtij shërbimi. Mungon analiza ekonomike tek e cila duhej të pasqyroheshin në mënyrë të detajuar, përfitimet ekonomike që do të kishte Posta Shqiptare duke kryer këtë investim. Relacioni për nevojën e kryerjes së investimit nga Drejtori i IT & Zhvillimit, z. Enian Sina, sipas shkresës me nr. 123/b prot., datë 03.05.2018, nuk është i argumentuar. Për më tepër, nuk ka asnjë kërkesë bashkangjitur ku të pasqyrohej interesimi nga institucionet financiare (bankat) për të integruar sistemet e tyre me atë të Postës Shqiptare. Nuk ka asnjë dokument ligjor ose marrëveshje të lidhur midis Postës Shqiptare dhe ndonjë institucioni bankar përparr procedurës së prokurimit ku të vërtetohej se ndonjë institucion bankar ka interes për të integruar sistemin e tij me atë të Postës Shqiptare. Për më tepër, shpjegimet e dhëna tek specifikimet teknike të kërkura dhe konkretisht sipas shkresës me nr. 1630/1 prot., datë 09.05.2018, cilësojnë dhe rrjedhën e veprimeve që duhet të kryejë sportelisti/jta. Nuk ka asnjë dokument, analizë, relacion apo edhe parashikim nga Drejtoria e Postës Shqiptare SHA se nëse do të rriten, sa do të rriten të ardhurat ekonomike dhe klientët nga implementimi i këtij aplikacioni (siç përmendet tek kërkesa e Drejtorit të IT) i cili në vetvete, nuk është gjë tjetër veçse një aplikacion që ka ekzistuar edhe më parë. Posta Shqiptare SHA, ka kryer procedura

prokurimi në të kaluarën që prej vitit 2012 për implementimin dhe vënien në funksion të sistemit Eterna me të gjitha modulet e tij sipas kërkesave nga vet Posta Shqiptare SHA. Konkretisht, ndërsa qetë e sistemeve të pagesave me institucionet e tjera, kanë ekzistuar edhe më parë (e vërtetuar kjo me komunikimet elektronike të Postës me operatorin ekonomik për problemet dhe defektet e ndryshme të ndodhura gjatë kalimit të kredive të fermerëve apo pagesave të ndryshme). Këto ndërsa qetë kanë ekzistuar me OSHEE, me UKT, etj. Pra pretendimi i krijimit të një "GATEWAY", nuk qëndron. Gjithashtu, tek DST e procedurës së prokurimit të vitit 2012, procedurë për të cilën është shpallur fitues i njëjtë operator ekonomik "HELIUS SYSTEM" SHPK, tek projekti për implementimin e sistemit ETERNA, për informatizimin e Postës Shqiptare, konstatohet se projekti ka ndërsa qetë me sisteme të tjera, ndërsa qetë me Bankën e Shqipërisë, ndërsa qetë me sistemin IPS, ndërsa qetë me sistemin Euro/Giro/non SWIFT. I njëjtë konkluzion rezulton edhe nga auditimi i dosjes së prokurimit me objekt "Mirëmbajtja e sistemit Eterna" sipas kontratës së lidhur midis Postës Shqiptare SHA dhe po të njëjtë operator ekonomik "HELIUS SYSTEM" SHPK, në vitin 2017, me afat 3 vjeçar pra deri në fillim të vitit 2020. Nga procesverbalet e mbajtura të grupit të monitorimit për mirëmbajtjen mujore 3 vjeçare, konstatohet se ky operator ka kryer mirëmbajtjen e sistemit (Deri sot. Kontrata e mirëmbajtjes përfundon në vitin 2020) dhe njëkohësisht të preventivit të zérave të mirëmbajtjes ku midis të tjerash ka mirëmbajtur sistemin Eterna financiare edhe lidhur me Listën e Moduleve të Eternës Financiare për tu mirëmbajtj. Periudha e mirëmbajtjes 2017-2020. Si rrjedhojë, procedura e prokurimit, ka qenë e pa argumentuar lidhur me arsyet dhe nevojat e kryerjes, pa asnjë analizë përritjen e rezultateve ekonomike të parashikuara me plane financiare e strategjike apo edhe pas implementimit pa asnjë përfitim për PSH SHA. Ka qenë e pa nevojshme për Postën Shqiptare kjo procedurë sepse PSH SHA, i ka pasur ndërsa qetë e komunikmit (GATEWAY) me institucionet e tjera dhe përmë tepër, nuk ka asnjë marrëveshje me asnjë bankë përrpara fillimit të procedurës ku të bëhej i qartë përfitimi monetar i PSH SHA nga komisionet e transaksioneve me bankat për çdo shumë të depozitar në llogarinë personale të klientit në bankën përkatëse. Gjithashtu, nga data që shërbimi është deklaruar i kryer pra nga data 19.12.2018 deri në muajin Maj 2019 (sipas akteve të marrjes në dorëzim), Posta Shqiptare SHA, nuk ka asnjë të ardhur apo përfitim nga ky shërbim. Nuk është kryer asnjë depozitim nga ndonjë klient i mundshëm, transaksion nga i cili, Posta Shqiptare SHA mund të kishte përfituar ndonjë komision gjithmonë nëse do të ekzistonte ndonjë marrëveshje. Vlera e investuar prej **30,000,000 lekë**, konsiderohet investim me efekt negativ financiar për PSH SHA dhe një dëm ekonomik i mundshëm në të ardhmen dhe që do të duhet të dëmshpërblyhet nga operatori ekonomik përfitues "HELIUS SYSTEM" SHPK, nëse sistemi nuk do të zbatohet me efektivitet duke i sjellë të ardhura financiare Postës Shqiptare (*Më hollësish trajtuar në pikën 3 faqe 25-50 të Raportit të Auditimit*).

2.1 Rekomandim: Drejtoria e Postës Shqiptare SHA, Drejtoria Juridike, Drejtoria Ekonomike, të marrin masat që të lidhin marrëveshje me bankat duke përcaktuar komisionet përkatëse për shërbimin sipas kushteve të kontratës, me qëllim kthimin e investimit në një investim me efektivitet për buxhetin e shtetit.

Menjëherë

3. Gjetje nga auditimi: Nga auditimi ka rezultuar se Posta Shqiptare sha kryhen pagesa për telefoninë celulare për punonjësit referuar faturave sipas paketave të lidhura për çdo numër të Altelekom Albania sha referuar kontratës së lidhur, ku për një pjesë të tyre bëhet rimbursimi nga fondet e Postës Shqiptare sha.

Rimbursimi i fondevë për periudhën objekt auditimi, ka rezultuar në zbatim të vendimeve të drejtorisë së shoqërisë me nr.293, datë 25.04.2014 "Mbi ndryshimin e shpenzimeve të telefonisë celulare të Shoqërisë Posta Shqiptare sha ,vendimit nr.44, datë 7.02.2017 "Mbi disa ndryshime në vendimin nr.293, datë 25.04.2014 të Drejtorisë së Shoqërisë, si dhe Urdhrin e

dalë për periudhën objekt auditimi me nr.193, datë 19.03.2018” Për miratimin e shpenzimeve të telefonisë celulare për ndryshimet e miratuara në strukturën organizative të Drejtorisë së Përgjithshme Posta Shqiptare sha.

Për vendimet sa më sipër u krye krahasimi referuar përcaktimeve në vendimin e Këshillit të Ministrave nr.864, datë 23.07.2010” Për pajisjen me numër telefoni celular të personave juridikë publik dhe nga ky krahasim ka rezultuar se për periudhën objekt auditimi janë miratuar kryerja e shpenzimeve në kundërshtim me aktin në fuqi respektivisht sipas viteve: për 6 mujorin e dytë të 2017 shuma prej 571,560 lekë, për vitin 2018 shuma 1,256,400 lekë dhe për 5 mujorin e viti 2019 shuma prej 1,318,560 lekë *në total 3,146,520 lekë (Më hollësisht trajtuar në pikën 3 faqe 25-50 të Raportit të Auditimit).*

3.1. Rekomandimi: Nga Këshilli Mbikëqyrës të merren masa për të analizuar shkaqet, arsyet përgjegjësitë e menaxhimit në drejtim të përdorimit të fondeve të shoqërisë jo me efektivitet dhe ekonomicitet në vlerën prej 3,146,520 lekë, vlerë e cila ka të bëjë pagesat e telefonisë celulare të planifikuar për rimbursim në kundërshtim me aktet ligjore në fuqi.

Menjëherë

4. Gjetje nga auditimi: Nga auditimi i sponsorizimeve është konstatuar se nga Posta Shqiptare janë dhënë sponsorizim në shumën 1,255,000 lekë në kundërshtim me ligjin nr.7892, datë 21.12.1994 “Për sponsorizimet” i ndryshuar, nenin 1 dhe 2, ku ndalohet dhënia e sponsorizimit personave fizik sa më poshtë vijon:

-Për sponsorizimin e *“Botimi i librit Historia e Filatelisë Shqiptare”* në zbatim të vendimit të Këshillit Mbikëqyrës 2,datë 1.03.2019 *në shumën 400,000 lekë.*

-Për sponsorizimin *✓* për projektin “80 vjet transmetime radiofonike në shqip” në zbatim të vendimit të Këshillit Mbikëqyrës nr. 2,datë 1.03.2019 *në shumën 655,000 lekë.*

-Për sponsorizimin *✓* për katalogun filatelic “Pulla Shqiptare” në zbatim të vendimit të Këshillit Mbikëqyrës 2,datë 1.03.2019 *në shumën 200,000 lekë (Më hollësisht trajtuar në pikën 6 faqe 91-94 të Raportit të Auditimit).*

4.1. Rekomandimi: Nga Administratori dhe Këshilli i Mbikëqyrës të merren masa për të analizuar shkaqet, arsyet përgjegjësitë e menaxhimit në përdorimin e fondeve të shoqërisë në shumën 1,255,000 lekë jo me efektivitet dhe ekonomicitet, vlerë e cila ka të bëjë pagesat e dhëna për sponsorizim në kundërshtim me aktet ligjore në fuqi.

Menjëherë

5. Gjetje nga Auditimi: Me urdhër prokurimi nr. 6 datë 10.05.2018 ka filluar porcedura e prokurimit me vlerë të vogël “Shërbimi e-learning”. Nga verifikimi i dokumentacionit të gjeneruar nga sistemi lidhur me zbatimin e kontratës nr. 6/1 datë 16.05.2018,u konstatua se numri i kursantëve të cilët ndoqën kursin e gjuhës së huaj ishte 132 ndërkohë që shërbimi është prokuruar për 140 punonjës, si dhe nga verifikimi i raporteve përfundimtare rezultojë se vetëm 15% e kursantëve kishin punuar me këtë program dhe mesatarja javore e përdorimit të programit nga punonjësit ishte 1 minutë në javë, çka tregon se implementimi i projektit me vlerën **408,000 lekë** nuk ka arritur dhe përbushur qëllimin ose nuk është kryer me eficencë, efektivitet dhe ekonomicitet (*Më hollësisht trajtuar në pikën 6 faqe 90-94 të Raportit të Auditimit*).

5.1 Rekomandimi: Nga Administratori i shoqërisë të shqyrtohet shpenzimi jo eficent me vlerë **408,000 lekë** dhe të ngarkohen me përgjegjësi personat përgjegjës. Nga Drejtoria e Burimeve Njerëzore të verifikohet dhe të kërkohet menjëherë informacion për ecurinë e programit “e-learning” dhe e programeve të tjera me natyrë të ngashme në kuadër të zhvillimit dhe trajnimit të punonjësve të shoqërisë Posta Shqiptare sha.

Vazhdimisht

6. Gjetje nga Auditimi: Punonjësit e larguar nga puna në shoqërinë Posta Shqiptare sha, kanë hapur 193 procese gjyqësore ligjore për të cilat janë marrë 76 vendime të formës së prerë në

vitet 2017-2019 me vlerë të efektit negativ financiar në shumën **60,037,836 lekë**. Ndërkokë, janë ende 74 procedura në proces gjyqësor të cilat janë potencial i mundshëm në të ardhmen për efekt negativ financiar për shoqërinë (*Më hollësish trajtuar në pikën 5 faqe 56-64 të Raportit të Auditimit*).

6.1 Rekomandimi: Nga Administratori i shoqërisë Posta Shqiptare sha dhe Këshilli Mbikëqyrës, të analizohen në mënyrë të detajuar rastet e largimit nga puna, si dhe krijimi i detyrimeve të shtuara përmbarimore, duke evidentuar përgjegjësitë individuale, humbje të cilat janë në vlera të konsiderueshme për shoqërinë, si dhe të merren masa për shqyrtimin e efektit financiar në vlerën totale **60,037,836 lekë**, të ardhur si pasojë e mos ndjekjes së procedurave ligjore në largimin e punonjësve nga puna. Të evidentohen përgjegjësitë e të merret vendimi përkatës, si dhe nga Sektori Juridik të merren masa për ndjekjen e të gjitha çështjeve gjyqësore.

Menjëherë

7. Gjetje nga Auditimi: Nga auditimi i vendimmarrjes së organeve kolegiale të shoqërisë për periudhën objekt auditimi rezultojë se:

Për vitin 2018, me Vendimin e Këshillit Mbikëqyrës nr. 32 datë 21.11.2018 është miratuar dhënia e shpérblimit të punonjësve të shoqërisë Posta Shqiptare SHA. Nga auditimi i relacionit bashkëlidhur vendimit rezultoi se ky shpérblim është dhënë *referuar pasqyrave financiare të viti ushtrimor 2018* në një kohë ku viti ushtrimor nuk kishte përfunduar ende *veprim në kundërshtim me Ligji nr. 10405 datë 24.03.2011 "Për kompetencat për caktimin e pagave dhe shpérblimeve", neni 6*. Për pasojë, vendimmarrja për shpérblimet e punonjësve në vitin 2018 nuk mund ti referohet këtij argumenti. Gjithashtu, për dhënien e shpérblimit të punonjësve në vlerën **48,629,000 lekë** nuk është marrë miratimi nga Ministria përkatëse, Ministria e Financave dhe Ekonomisë referuar kompetencave ligjore që ajo ka (*Më hollësish trajtuar në pikën 4 faqe 50-54 të Raportit të Auditimit*).

7.1. Rekomandim: Nga Këshillit Mbikëqyrës dhe Administratori të merren masat që në të ardhmen për praktika të ngjashme të ndiqet hierarkia ligjore e vendimmarrjes, duke marrë miratimin e Ministrisë përkatëse, Ministria e Financave dhe Ekonomisë si dhe marrja e shpérblimit për treguesit ekonomiko-financiar të realizohet pas miratimit të pasqyrave financiare, konform kërkjesave ligjore.

Menjëherë

8. Gjetje nga Auditimi: Me urdhër pagese datë 10.01.2018 është likuiduar fatura nr. 30 datë 11.09.2017 për OE "Amadeus Travell Tours" shpk me vlerë 127,680 lekë për blerjen e "dy biletë udhëtimi". Por në datën 15.09.2017 me vendim nr. 316, ky udhëtim është anuluar për të tre përfaqësuesit e shoqërisë duke sjellë si pasojë kryerjen e një shpenzimi jo eficent dhe efektiv për shoqërinë në vlerën **127,680 lekë** pasi biletat ishin prerë nga operatori para vendimit të anulimit dhe ishin të pakthyeshme (*Më hollësish trajtuar në pikën 6 faqe 65-71 të Raportit të Auditimit*).

8.1 Rekomandimi: Nga administratori i shoqërisë të merren masat që në të ardhmen mos të përsëriten raste të ngjashme anulimi për personat e autorizuar për udhëtime jashtë vendit në mënyrë të tillë që çdo shpenzim i kryer në kuadër të atij aktiviteti të kryhet me eficencë, efektivitet dhe ekonomicitet.

Menjëherë

E.MASA DISIPLINORE

Referuar konstatimeve në këtë raport, mbështetur në nenin 15, pika "dh" dhe "e" të ligjit nr. 154/2014 "Për organizimin dhe funksionimin e KLSH", nenet 37, 141 e 153 pikat 1 dhe 2 të ligjit nr. 7961, date 12.7.1995 "Kodi i Punës", i ndryshuar, Kontraten individuale të punës të hartuar dhe miratuar nga Posta Shqiptare SHA, neni 10 i rekomandojmë Administratorit që referuar analizës së shkeljeve të paraqitura në këtë Raport Auditimi dhe përgjegjësive të

paraqitura për çdo shkelje përkatëse, të fillojë procedurat për marrjen e masave disiplinore për punonjësit sa më poshtë vijon:

Nga "Vërejtje" deri në "Vërejtje me "paralajmërim" për:

1.

, në cilësinë e Drejtorit të Drejtorisë së Marketingut, për arsyen:

-Për kontraten me objekt “Fushatë publicitare në median e shkruar online, dixhitale, median e shtypur dhe median në ambientet e jashtëme”, viti 2017, nuk ka argumentuar nevojën e kryerjes së këtij shërbimi. Nuk ka kryer asnjë analizë tek e cila të pasqyroheshin në mënyrë të detajuar, përfitimet ekonomike që do të kishte Posta Shqiptare duke kryer këtë investim, detyra këto që i ka të përcaktuara tek rregullorja e brendshme e institucionit.

Ne cilësinë e Drejtorit të Drejtorisë së Burimeve Njerëzore vitet 2018-2019

-Programim jo të saktë dhe të argumentuar mirë për zbatimin e numrit mesatar të punonjësve dhe fondit të pagave gjatë hartimit të Programit Ekonomik të vitit 2018.

-Nga procedurat e ndjekura për rekrutimin e punonjësve nuk ka gjurmë për shpalljen e vendeve vakante dhe intervistimin ose testimin e kandidatëve, deri në përzgjedhjen e tyre. Përzgjedhja e punonjësve nuk është kryer si rezultat i një procedure rekrutimi të ndjekur, as të kriterieve të pozicionit, në lidhje me nivelin arsimor, përvojën në punë, formimin bazë, etj në zbatim të detyrave të pozicionit referuar *Rregullores nr. 6 datë 20.02.2018*.

-Nga auditimi i procedurës së blerjes me vlerë të vogël për shërbimin “E-learning” u konstatua se njësia e prokurimit ka kualifikuar si fitues OE pa dokumentacionin e plotë të kërkuar në kundërshtim me pikën 16, *Udhëzimin nr. 3 data 08.01.2018 "Mbi përdorimin e procedurës së prokurimit me vlerë të vogël dhe zhvillimin e saj me mjete elektronike"*. (në cilësinë e Kryetaressë njësisë së prokurimit).

Gjithashtu nga Drejtoria e Burimeve Njerëzore nuk është ndjekur zbatimi i programit “E-learning” mbi trajnimin e punonjësve (i iniciuar vetë nga Drejtoria e Burimeve Njerëzore) duke sjellë si pasojë që implementimi mos të funksionojë dhe të jetë kryer me eficencë, efektivitet dhe ekonomicitet.

në cilësinë e kryetares të komisionit të prokurimit me vlerë të vogël

Pasi komisioni i prokurimit për blerjet me vlerë të vogël ka bërë s'kualifikimin të operatorit “ASI-2A CO” me ofertën ekonomike 747,000 lekë pa TVSH dhe 896,400 lekë me TVSH e cila është më e ulët se oferta fituese 943,034 lekë me TVSH, referuar kjo procedurave të përcaktuara në *VKM 354., datë 11.05.2016 “Për miratimin e manualit të tarifave për shërbimeve në planifikim territori, projektim, mbikëqyrje dhe kolaudim, dhe rekomandimin e APP duke shkaktuar dëm ekonomik 46,634 lekë me TVSH që rezulton nga llogaritja e diferençës midis vlerës së ofertës fituese me vlerën e operatorit të s'kualifikuar padrejtësisht (Më hollësisht trajtuar në pikën 3,5,6 të Raportit të Auditimit).*

2. z.

, në cilësinë e Drejtorit të Drejtorisë së Marketingut, për arsyen:

-Për kontraten me objekt “Fushatë publicitare në median vizive” dhe kontraten me objekt “Fushatë publicitare në median online”, viti 2018, nuk ka argumentuar nevojën e kryerjes së këtij shërbimi. Nuk ka kryer asnjë analizë tek e cila të pasqyroheshin në mënyrë të detajuar, përfitimet ekonomike që do të kishte Posta Shqiptare duke kryer këtë investim, detyra këto që i ka të përcaktuara tek rregullorja e brendshme e institucionit (*Më hollësisht trajtuar në pikën 5 faqe 52-64 të Raportit të Auditimit*).

3.

4.

Në cilësinë e anëtarëve të grupit të ndjekjes dhe ekzekutimit të kontratës për arsyen:

-Për kontratën me objekt “Fushatë publicitare në median vizive” viti 2018, nuk kanë monitoruar siç duhet afatet e ekzekutimit të kontratës duke përcaktuar në procesverbalin e mbajtur përfundimin e kontratës se kontrata ka përfunduar brenda afateve ligjore kur në fakt, ajo është ekzekutuar jashtë afateve të përcaktuara e si rezultat, nuk janë mbajtur penalitetet (*Më hollësisht trajtuar në pikën 3 faqe 25-50 të Raportit të Auditimit*).

5.

a) Në cilësinë e anëtares së grupit të ndjekjes dhe ekzekutimit të kontratës për arsy se:

-Për kontratën me objekt “Fushatë publicitare në median vizive” viti 2018, nuk ka monitoruar siç duhet afatet e ekzekutimit të kontratës duke përcaktuar në procesverbalin e mbajtur përfundimin e kontratës se kontrata ka përfunduar brenda afateve ligjore kur në fakt, ajo është ekzekutuar jashtë afateve të përcaktuara e si rezultat, nuk janë mbajtur penalitetet.

b) Në cilësinë e anëtares së grupit të përllogaritjes së fondit limit për arsy se:

-Në përllogaritjen e fondit limit për procedurat e prokurimit me objekt “Fushatë publicitare në median vizive” dhe “Fushatë publicitare në median online”, për vitin 2018, nuk i janë referuar vlerës së kontratës së mëparshme të vitit 2018 me të njëtin objekt, duke e rritur atë me pasoja negative financiare për institucionin (*Më hollësisht trajtuar në pikën 3 faqe 25-50 të Raportit të Auditimit*).

6.

7.

Në cilësinë e anëtarëve të grupit të përllogaritjes së fondit limit për arsy se:

-Në përllogaritjen e fondit limit për procedurat e prokurimit me objekt “Fushatë publicitare në median vizive” dhe “Fushatë publicitare në median online”, për vitin 2018, nuk i janë referuar vlerës së kontratës së mëparshme të vitit 2018 me të njëtin objekt, duke e rritur atë me pasoja negative financiare për institucionin (*Më hollësisht trajtuar në pikën 3 faqe 25-50 të Raportit të Auditimit*).

8. Në cilësinë e nëpunësit zbatues.

-Për mosmbajtje të penaliteteve referuar nenit 12.1 të kontratësnr.10/1 datë 31.07.2018 “Blerje instalim i pajisjes mbi sistemin e menaxhimit të radhës”, të lidhur me kontraktonin ATOM shpk. në shumën **104,140 lekë**, të cilat janë kamat vonesa për shërbim të vonuar

-Për likuidim më tepër për kontratën e furnizimit me karburant me Europetrol Durrës Albania Sha në shumën 370,413 lekë si rezultat të aplikimit të kontraktonit në çmimin e faturës edhe të taksës së markimit apo shënimit ku referuar përcaktimeve të paraqitura në vendimin e Këshillit të Ministrave nr. 498, datë 30.5.2013 “Për përcaktimin e procedurave të shënjimit të naftës bruto dhe nënprodukteve të naftës”, është një shpenzim dhe detyrim i operatorit.

-Për lejimin e dhënies së paradhënies për udhëtimet jashtë vendit, pa mbyllur paradhëniet paraardhëse në kundërshtim me udhëzimin *me pikën 66 të udhëzimit të MF nr.30 datë 27.12.2011 “Për menaxhimin e aktiveve në njësitet e sektorit publik” i ndryshuar*.

-Për përgjegjësitetë referuar funksionit si Nëpunëse Zbatuese në drejtim të mbylljes me vonesë të pasqyrave financiare për vitin 2017 dhe 2018.

-Për përgjegjësitetë referuar funksionit si Nëpunëse Zbatuese në mos mbylljen në kohë të procedurave për inventarizimin e aseteve të shoqërisë si dhe mbylljes me shumë vonesë të procesit të nxjerrjes jashtë përdorimi.

-Për përgjegjësitetë referuar funksionit si Nëpunëse Zbatuese se për procedurat e nxjerrjes jashtë përdorimit të inventarit të vitit 2017 në vlerën 11,743,229.7 lekë për Drejtoren e Përgjithshme nga Posta Shqiptare nuk ka njoftim-për organet tatimore në zbatim të nenit 21 pika m të ligjit nr.8438, datë 28.12.2003 “Për tatimin mbi të ardhurat”, i ndryshuar dhe Udhëzimin nr.5, datë

30.01.2006 i ndryshuar pika 3.6.s., duke krijuar riskun që për vitin 2018 kur janë kryer veprimet e nxjerrjes nga përdorimi dhe kontabiliteti, këto shpenzime të mos njihen si shpenzime përfshirë tatimore.

në cilësinë e anëtarëve të komisionit të prokurimit me vlerë të vogël

Pasikomision i prokurimit përfshirë blerjet me vlerë të vogël ka bërë s'kualifikimin të operatorit "ASI-2A CO" me ofertën ekonomike 747,000 lekë pa TVSH dhe 896,400 lekë me TVSH e cila është më e ulët se oferta fituese 943,034 lekë me TVSH, referuar kjo procedurave të përcaktuara në VJM 354., datë 11.05.2016 "Për miratimin e manualit të tarifave për shërbimeve në planifikim territori, projektim, mbikëqyrje dhe kolaudim, dhe rekomandimin e APP duke shkaktuar dëm ekonomik 46,634 lekë me TVSH që rezulton nga llogaritja e diferençës midis vlerës së ofertës fituese me vlerën e operatorit të s'kualifikuar padrejtësisht (Më hollësisht trajtuar në pikën 6,7 faqe 65-113 të Raportit të Auditimit).

9. *referuar detyrës funksionale si përgjegjëse e kontabilitetit pasi:*

-Nga Drejtoria e Postës Shqiptare sha nuk janë hartuar në mënyrë të Veçantë pasqyrat financiare përfshirë vitin 2017 dhe 2018 përfshirat e drejtorisë. Veprimet sa më sipër bien në kundërshtim me nenin 158 pika 3 të ligjit Nr.9901, datë 14.4.2008 Për tregtarët dhe shoqëritë tregtare" të ndryshuar, bien në kundërshtim me nenin 18 "Përgjegjësitet", të ligjit nr.9228, datë 29.4.2004 "Për kontabilitetin dhe pasqyrat financiare" të ndryshuar në të cilin citohet: "1. Organi i drejtimit ekzekutiv të njësisë ekonomike dhe organi i tij mbikëqyrës, të punësuar ose jo, janë përgjegjës përfshirët e gjitha kërkuesave, të parashikuara nga dispozitat e këtij ligji.

2. Ekspertimi ligjor i pasqyrave financiare nga ekspertë të pavarur të licencuar nuk e çliron organin e drejtimit ekzekutiv dhe atë mbikëqyrës të njësisë ekonomike nga përgjegjësitet, të parashikuara në pikën 1 të këtij neni."

Si dhe nenin 12 "Përbërësit e pasqyrave financiare" ku citohet:" Pasqyrat financiare vjetore, përvèç atyre që parashikohen në mënyrë të specifikuara nga standartet kontabëli kombëtare, duhet të përbajnë këto dokumente: a) bilancin kontabëli; b) pasqyrën e të ardhurave dhe të shpenzimeve; c) pasqyrën e ndryshimeve në kapitalet e veta; ç) pasqyrën e rrjedhjes së parassë (cash flow); d) anekset e pasqyrave financiare, që përbajnë një paraqitje të metodave kontabëli, si dhe materialin tjetër shpjegues.

-Për përgjegjësitet referuar funksionit si përgjegjëse e kontabilitetit në drejtim të mbylljes me vonesë të pasqyrave financiare përfshirë vitin 2017 dhe 2018 (Më hollësisht trajtuar në pikën 7 faqe 100-113 të Raportit të Auditimit).

10.

në cilësinë e anëtarës të komisionit të prokurimit me vlerë të vogël

Pasi komision i prokurimit përfshirë blerjet me vlerë të vogël ka bërë s'kualifikimin të operatorit "ASI-2A CO" me ofertën ekonomike 747,000 lekë pa TVSH dhe 896,400 lekë me TVSH e cila është më e ulët se oferta fituese 943,034 lekë me TVSH, referuar kjo procedurave të përcaktuara në VJM 354., datë 11.05.2016 "Për miratimin e manualit të tarifave për shërbimeve në planifikim territori, projektim, mbikëqyrje dhe kolaudim, dhe rekomandimin e APP duke shkaktuar dëm ekonomik 46,634 lekë me TVSH që rezulton nga llogaritja e diferençës midis vlerës së ofertës fituese me vlerën e operatorit të s'kualifikuar padrejtësisht (Më hollësisht trajtuar në pikën 3 faqe 25-50 të Raportit të Auditimit).

PËR PUNONJËSIT E LARGUAR.

Për , me detyrë ish Drejtor i Filialit Shkodër nuk propozojmë masë pasi ky punonjës është i larguar. Masa e propozuar do të ishte “Vërejtje me shkrim” pasi në Filialin Shkodër, gjatë vitit 2018, struktura e programuar ishte tejkaluar me një numër mesatar prej 3 punonjës duke rezultuar dhe me një tejkalim të shpenzimeve për paga në vlerën 963,000 lekë për këtë filial.

Me ndjekjen dhe kontrollin e zbatimit të detyrave dhe masave të përcaktuara në këtë vendim ngarkohet Departamenti i Auditimit të Shoqërive Publike dhe Investimeve të Huaja.

Në zbatim të nenit 15, shkronja “j”, të ligjit nr. 154/2014, “Për organizimin dhe funksionimin e Kontrollit të Lartë të Shtetit” për masat e marra nga ana Juaj të përgatiten programe me afate e persona përgjegjës dhe për zbatimin e rekomandimeve të njoftohet Kontrolli i Lartë i Shtetit **brenda 20 ditëve** nga marrja e kësaj kërkese.

Në vijim e në zbatim të nenit 30, pika 2 e këtij ligji, kërkohet ndjekja e realizimit të tyre në vazhdimësi duke nxjerrë aktet e nevojshme administrative dhe nisjen e procedurave disiplinore e administrative apo hartimin e padive gjyqësore për shpërblimin e dëmit dhe mbi securinë e zbatimit të rekomandimeve të dhëna, nga ana Juaj të raportohet (*me shkrim*) pranë Kontrollit të Lartë të Shtetit **brenda 6 muajve** nga marrja e njoftimit të Raportit Përfundimtar të auditimit dhe rekomandimeve.

Bujar LESKAJ

KRYETAR